

口二萬七千九百八十九



明崇禎年清查共一萬四千五百四十三丁

清順治四年清查逃亡一萬二千三十四丁僅存二千五百九丁

順治十二年至康熙元年新增三百五十一丁見在二千八百六十丁

除優免實在當差共二千六百七十一丁

每丁徵銀壹錢四分實徵銀三百七十三兩九錢四分

舊志國家承平二百餘年平陰僻處山隅未聞兵革之變宜乎生齒蕃庶戶口滋多也而數僅止此何耶嘗聞諸故老成化弘治以後間里充盈夜戶下戶盈矣至正德戊辰以後蒞茲土者憑藉威權大肆荼毒流移相繼村落爲墟此一變也繼之者撫字愛養久且未復嘉靖壬戌之後復踵前政三四年間民益凋散此又一變也譬諸久病之人疴羸已極投以剛劑鮮不斃矣

按此已不能無今昔之嘆至革除之際抑又甚矣崇禎庚辰之饑饉至人相食兼辛巳之癘疫死者十之三癸未之陷城土寇抄掠村落無遺甲申南北鄉盜復大起重以王令之慘殺雖欲不十去其九得乎此實平邑盛衰之所關故著其槩如此

田賦

循一天下之中正而禹貢于兖州則曰
亦惠政之偶然而禹貢于兖州則曰作十有三載乃
同者豈獨愛于兖哉必有所不忍也况爲兖之地最
陋而民最貧如平陰者乎嗟乎惟正之供義不得辭
不敢望盧坦之甘心罰俸陽城之自註下考也反裘
負薪尚其念之昔人云催科不擾催科中撫字名言
哉志田賦第二十

原官民額田一千八百三十頃九十三畝一分係大

畝

明萬曆辛巳年知縣牛特奉例清丈以二百四十步
 為畝分上中下下下為四等共五千一百七頃四
 畝九分足原額之數後糧九千一百三十三石
 零起運六千九百石存留二千八百九十五石
 馬草一萬五千九百有五束歲納銀一千八百三
 兩

驛傳歲徵站銀一千二百六兩

崇禎年間清丈徵糧地一千八百三十頃九十三畝
 一分每畝徵正供雜辦并加添九釐解衣等銀共

八分四釐六毫一絲一忽五微二纖八沙三塵八

渺三漠九埃共該徵銀一萬五千四百九十一兩

七錢八分七釐二絲七忽五微五纖每畝徵麥一

合八勺二撮三圭六粟二顆共該徵麥三百三十

石每畝徵米九合五勺四抄三撮八圭五粟五顆

共該徵米一千七百四十七石四斗一升四合

清順治四年知縣劉昇祚清查無主荒地一千二百

二十頃十七畝五分四毫申除其踏量地畝查照

舊則鑄有鐵尺計三尺五寸貯庫以防後患仍照大畝行糧凡地三小畝成糧一畝

見在成熟地并有主荒地共六百一十頃七十五畝五分九釐六毫申詳報部又經續任知縣陳秉直申請兩院有主荒糧勢難包賠於順治八年內將有主荒糧奉

旨免派共除豁荒地一千四百三十四頃四十一畝一分伍釐二毫自順治十二年至康熙三年陸續開墾地一百二十四頃九十三畝六分八釐俱入成熟

除荒地一千三百九頃四十七畝四分六釐六毫除免銀一萬一千七十九兩六錢六分五釐二毫三絲六忽二微六纖除免麥二百三十六石一升四合七勺八抄一撮除免米一千二百四十九石七斗四升三合六勺三抄

實在成熟開墾行糧地五百二十一頃四十五畝六分三釐四毫每畝徵銀八分四釐六毫一絲一忽伍微二纖八沙三塵八渺三漠九埃共徵銀四

千四百一十二兩一錢二分一釐七毫九絲一忽
二微九纖每畝徵麥一合八勺二撮三圭六粟二
顆共徵麥九十三石九斗八升五合二勺一抄九
撮每畝徵米九合五勺四抄三撮八圭五粟五顆
共徵米四百九十七石六斗七升三勺七抄

寄庄地一項三十畝五分除正項在原額地畝派
徵外每畝加銀二分五釐共加銀三兩二錢六分
二釐二毫原額外荒田地一百三十頃一十七畝
三分五毫五絲六忽每畝徵銀三分共該徵銀三
百九十兩五錢一分九釐一毫六絲六忽八微

順治十八年至康熙元年分開墾起科地共三頃
六十三畝一分八釐四毫三絲內除荒地一百二
十四頃六十四畝三分二釐一毫二絲六忽除免
銀三百七十三兩九錢二分九釐六毫三絲七忽
八微

實在成熟開墾地五頃五十二畝九分八釐四毫
三絲每畝徵銀三分共徵銀一十六兩五錢八分
九釐五毫二絲九忽

原額馬場租地六畝每畝徵銀八分四釐共該徵銀五錢四釐內除荒地四畝五分應免銀三錢七分八釐

實在成熟地一畝五分該徵銀一錢二分六釐以上丁地共徵銀四千八百六兩三分九釐八毫二絲二微九纖麥九十三石九斗八升五合二勺一抄九撮米四百九十七石六斗七升三勺七抄一丁地起運

戶部

折色及撥出丁糧留充本省兵餉並裁扣其銀三千八百八十兩八錢二分一釐七毫三絲九微八纖二沙五塵解布政司轉解折色盤鞘脚價銀二十兩八錢五分八釐二毫七忽六微五纖隨正項解司一本色起運

戶部

供應庫黃蠟除荒實徵新增本色黃蠟六十九觔九兩五錢四分六釐六毫一絲

脚價銀一錢一分一釐三毫五絲四忽六微六
織

京庫地畝綿花絨除荒實徵新增本色花絨一
十二觔六兩二錢六分一釐七毫四絲

舖墊銀一錢二分三釐九毫一絲三忽五微九
織

脚價銀六釐九毫三絲九忽一微六織

禮部

藥材全蝎二觔五兩三錢三分三釐
包裹紙價銀一錢四分二釐

工部

狐狸皮除荒實徵新增本色狐狸皮三張九分
四釐一毫

脚價銀三分三釐二毫四絲七忽七微四織
牛角弓面除荒實徵新增本色弓面六分九釐

三毫六絲

漕米

兌軍價運本色正耗除荒實徵新增米五百三

十七石四斗一升六勺八抄一撮七圭五粟
三顆

輕賚除荒實徵新增銀三十五兩三錢七分七釐二毫二絲六忽一微七纖

蓆草銀除荒實徵新增銀三兩五錢一分五絲二忽一纖

脚價除荒實徵新增銀十九兩二毫七絲三忽八微三纖

盤鞘除荒實徵並新增銀四兩一錢八分八釐六毫九絲六忽七微四纖

潤耗米二十一石三斗八升五合一勺七抄二撮

潤耗銀二十一兩三錢八分五釐一毫七絲二忽

行糧

東平州常豐倉小麥除荒實徵并新增共徵本色小麥一百二十八石三斗一升九勺三抄八撮五圭九粟六顆

本府廣盈倉除荒實徵新增本色米七十四石
七斗一升二合三抄七撮

倉糧

臨清廣積二倉除荒實徵新增本色米六十七
石三斗八合一勺八抄八圭六粟七顆

蓆草除荒實徵新增銀五兩一錢七分九釐三
毫四絲五忽六微八纖

一丁地存留

河道

代編魚台縣淺夫除荒實徵銀六兩二錢九分
五釐九毫七忽九微

椿草除荒實徵銀八錢六分九釐四毫二絲一
忽二微四纖

濟河停役淺夫除荒實徵銀八兩四錢五分二
釐七毫六忽五微四纖

夏鎮河夫除荒實徵銀四兩三錢四分

濟河見役淺夫八名每名工食銀十二兩該銀
九十六兩內除抽兵一名銀十二兩另列款

項外實該銀八十四兩照五年二閏扣筭每
年攤派閏月銀二兩八錢共銀八十六兩八
錢

柳溝見役泉夫十名每名工食銀十二兩該銀
一百二十兩照五年二閏扣筭每年攤閏月
銀四兩共銀一百二十四兩

驛站 以下俱照銀七錢三微支

走遞里甲馬八匹工料銀二百九十七兩六錢
走遞里甲驢四頭工料銀五十一兩五錢二分

走遞馬夫六名工食銀四兩四錢

走遞白夫十六名工食銀一百九十八兩四錢
走遞青夫八名工食銀六十六兩一錢三分三

釐三毫

馬牌子一名工食銀十二兩四錢

脩理鞍屐棚廠槽鋤銀十二兩

官俸 以下俱照銀七錢三微支

知縣一員俸薪銀四十五兩

心紅銀二十五兩

典史一員俸薪銀三十一兩五錢二分
訓導一員俸薪銀三十一兩五錢二分
役食

本府馬快一名工食銀十七兩三錢六分

本府斗級一名工食銀六兩二錢

黃河廳快手一名工食銀六兩二錢

捕河廳門子二名工食銀十二兩四錢

府學膳夫銀六兩八錢八分八釐七毫

本縣門子二名工食銀十二兩四錢

皂隸十六名工食銀九十九兩二錢

快手八名工食銀一百三十八兩八錢八分

民壯五十名工食銀三百一十兩

燈夫四名工食銀二十四兩八錢

禁卒八名工食銀四十九兩六錢

修理監倉舖舍銀二十兩

轎傘扇夫七名工食銀四十三兩四錢

庫子四名工食銀二十四兩八錢

斗級四名工食銀二十四兩八錢

捕衙門子一名工食銀六兩二錢

捕衙皂隸四名工食銀二十四兩八錢

捕衙馬夫一名工食銀六兩二錢

訓導齋夫三名工食銀三十七兩二錢

縣學膳夫銀十三兩七錢七分七釐八毫

儒學門子二名工食銀十四兩八錢八分

訓導喂馬草料銀十二兩

九舖司兵共工食銀二百五十七兩八錢一分

六釐六毫

本縣養濟院孤貧五十四名口冬衣布花埋葬

口糧銀一百五十兩六錢一分六釐

雜支

龍亭帳幔修理銀一錢六分一釐三忽九微三

纖

文廟壇所祭器修理銀六錢三釐七毫六絲四

忽七微五纖

文廟壇所祭祀銀十六兩三錢二分一釐七毫

七絲三忽八微二纖

驚蟄霜降祭旗賞操銀四錢二釐五毫九忽八微四纖

鄉飲銀一兩二錢七釐五毫二絲九忽五纖四

鞭春土牛花杖銀四錢二釐五毫九忽八微四纖

派徵赤曆由帖銀一兩六釐二毫七絲四忽五

方造報年終文冊紙張銀六錢三釐七毫六絲四忽七微五纖

審編均徭銀四錢二釐五毫九忽八微四纖

朔望下學講書紙張銀四錢二釐五毫九忽八微四纖

刷卷登答造冊紙張銀四錢二釐五毫九忽八微四纖

歲考科舉披紅賞試銀二兩一分二釐五毫四絲九忽一微七纖

縣學歲貢銀三兩六錢二分二釐五毫八絲八

忽五微二纖

歲貢生員迎賀旗扁銀四錢二釐五毫九忽八

微四纖

科舉生員正副盤費銀八錢五釐一絲九忽六

微七纖

歲貢生員正副盤費銀四錢二釐五毫九忽八

微四纖

府學歲貢銀一兩八錢一分一釐二毫九絲四

忽二微六纖

進士舉人坊牌銀十兩

季考生員供給銀二兩一分二釐五毫四絲九

忽一微八纖

新官到任祭神酒席銀六錢二分五釐九毫二

忽七微九纖

押囚官吏盤費銀六錢三釐七毫六絲四忽七

微五纖

文廟香燭銀二兩五錢二分

孤寬邑厲壇祭米銀六兩

起送會試舉人銀三錢一釐八毫八絲二忽三微七纖五沙

迎賀新中舉人銀三錢一釐八毫八絲二忽三微七纖三沙

膳錄書手對讀生員盤費銀四錢二釐五毫九忽八微四纖

歷科舉人車價銀一兩五錢九釐四毫一絲一忽八微八纖

徭役

徭役各有利害其于民有宜有不宜宋儒辨之
均輸之法其遺也自旌德姚公立條編法侍御孫
公實之無論貴賤貧富輸錢于官隨事僱募民頗稱
便此免役之遺也法久弊生至有旣輸免役之錢復
兼力役之苦者蓋數百年之前識者已慮及此矣古
今無不弊之法而貴有不弊之人使奉法之人盡如
立法之一日雖三代之法至今行之可也父母斯民

者留意焉志徭役第二十一

銀差曰料價曰藥材曰解襖曰狐皮曰柴夫曰軍器
曰聽征民兵曰團操快手曰監兌廩餼曰舊縣館
夫曰歲貢曰柴薪曰兩院公用曰祭祀鄉飲曰王
府民校曰王府民廚曰進士曰舉人坊牌曰馬夫
曰齋夫曰膳夫

力差曰民快曰泉夫曰皂隸曰門子曰禁子曰斗級
曰司兵曰儒學庫子代編挑河者曰淺夫曰庫役
俱舊志

按平陰在兗最爲下邑差役繁重疲於餽辦久矣
然在全盛之時尚可支持今則十不及一奉縣之
差已難供矣况飛差乎蒞茲土者必加意撫卹待
生聚旣充勤勞王家固其分爾

物產

上之所取謂之賦下之所供謂之貢貢一也或曰納
與錫示不常有也羽畎之翟泗濱之磬江淮之茅有
刺而三脊遷其地而弗能爲良也王者昭德之致惟
服食器用事至纖而書之甚悉懼取之無藝也致太
宛之葡萄菑血流絕域飛七閩之荔子馬斃長途雖其
君之多欲抑下之諂諛有以導之耳若易于閣榷茶
之詔陽城之不貢侏儒者幾人耶平陰地陜而僻無
琛異之可紀地力之所產有限而民之常業在焉尚

思所以愛養之哉志物產第二十二

穀之屬有黍稷小麥麩麥蕎麥早稻粟青豆黃豆黑
豆匾豆豌豆赤小豆菜豆姜豆白谷梁谷蕒苡玉
藟秫高糧芝麻穆子蘓子

蔬之屬有葱韭蒜蒿苣蕘菠菜白菜冬瓜茄子南
瓜北瓜絲瓜金瓜豆角蔓菁稍瓜琵琶輔紅蘿蔔
白蘿蔔馬齒莧王瓜白莧瓠子芹芫荽蒿蒿葫蘆
甘露山藥薺菜蒲笋萱花宅蒜黃花菜酒豆蚕豆
眉豆小茴香

木之屬有松栢檜楸梧桐棟青槐黃槐柳垂楊柳
榔青楊白楊楮柘桑檉香椿檀榆杞榆鬼谷樹八
麻子樹荆椒棠棣栗皂角樹黃棟樹冬青樹相子
樹

花之屬有海棠西府海棠丁香金雀紫荆紫薇百日
紅地棠蜀葵蠶牡丹芍藥長春茶蘼玫瑰薔薇黃
刺梅十姊妹寶相剪秋羅蓮花鳳仙玉簪秋海棠
山丹夜合珍珠鷄冠石苧水紅花木槿花六月菊
凌霄花藤花菊花木瓜碧桃迎春臘梅霜下紅米

殼紫茉莉

果之屬有桃杏朱李黃李石榴銀杏葡萄櫻桃蓮實
花紅柰子虎喇賓拘根大棗小棗靈棗酸棗蘋婆
果巴旦杏胡桃柿梨羊棗沙果無花果文官果獅
荔支西瓜

草之屬有吉祥萍藻蘋茅夏枯馬蘭蒼耳小藍大藍
艾苔薺青蒿垂盆草綉墩蒺藜河鳧莎荇蓼蘆
荻葦蘼蕪瓦松蒯草扒山虎

羽之屬有鵝鴨鷄鴿鳴鶯鶯燕布穀鷓鴣鸚鵡鸕鶿鷹
鸞雀鷹鶻鴛鴦鷺天鵝打魚郎良

鳥之屬有鵲啄木蝙蝠啄木虫鷓鴣野雞蠟良
紅掠白掠山鷄鶻鴿斑鳩珍珠斑鳩角鸞水老鴉
夜猫鴟淘河紅號皂鷗八哥麻掠黑馬杓鳶梟

札子戩勝巧女

七之屬有馬牛驢騾羊犬猪鼠黃鼠狼田鼠狐貉鹿
麋獐麇狸子刺蝟狼兔獾

鱗之屬有鯉鯽魴鱧鮎鮓白鱓哥牙鱸鱧黃河水
至其名甚多難以悉載水退即無不敢混入

介之屬有驚蝦螃蟹蛤蜊螺螭

昆蟲之屬有蠶蜂馬蜂土蜂蟋蟀螽斯蜻蜒蝶蟬螿

蝨蚊虻蚱蟻蛭蟻蟪蟻蝗蝻螟螟蛉鼠婦蜥蜴

螢火蠍虎蜘蛛蝦蟇蝮蛇蝮蛇蝮蛇蝮蛇

蚤屈蠖蝸牛叩頭蟲螟山草驢蚰子斑猫

藥之屬有全蠍土產最精入貢連翹防風柴胡升麻桔梗苦

參沙參蒼朮山查葛根葛花藁本漏蘆黃精扁蓄

瞿麥茵陳蒼耳狼毒瓜蒂皂角蟬蛻蛇蛻黑參香

附兔絲子牛旁子車前子草蓆子稀莖

益母草旱蓮草馬鞭草地骨皮金銀花馬兜鈴

白牽牛地黃天門冬麥門冬斷腸草金櫻子老翁

花蛇床子百合百部鼠粘子瓜萸甘菊紅娘子酸

棗仁

貨幣之屬有棉花絲布絹木炭石灰綠紅花靛包金

土陶器

平陸縣志卷五

官師志

令長

令有三德焉一曰廉一曰慈一曰直惟廉而後能行其慈惟廉與慈而後能遂其直范萊蕪釜中生塵蒲太和經旬不肉廉也長活數萬之人而甘伏罪願減十年之壽而乞爲霖慈也令可充役農時不可違令可解官堰水不可決直也今日之平陰奄奄弱息矣惟劉方之不煩景時之不擾可以起之豈無撓蔣沈

之清掣子賤之肘者乎持此以往而已嗟夫官一也
或挽之而勉爲留或推之而恨不去將何居耶志令
長第二十三

漢甲屠剛扶風茂陵人光武時爲平陰令見名宦

劉章光武兄之子時爲平陰令見名宦

袁安汝南汝陽人章帝時舉孝廉除平陰長

名宦

宋范諷齊州人真宗時知平陰縣見名宦

金劉索燕城人有惠政詳見藝文

王玉汝鄆州人爲耶律楚材所知爲平陰令有惠

政累遷奉定軍節度使

元范仲謙太原鹽州人爲平陰縣尹見名宦

董繼昇順德路人勸課農桑均平賦役有去思碑

趙時彥冠州人爲平陰縣尹見名宦

明黃澤洪武元年任

馬欽洪武年在

侯焯山西安邑人

李賢陝西河陽縣人由舉人永樂年在

楊 翱陝西盩厔縣人由監生

永樂年在

吳 智

宣德年在

宋 讓應天府江寧縣人由舉人

正統年在
調郟城縣

傅大用河南新野縣人由舉人

成化二年在

蔣 昂浙江長興縣人由監生平易宜民學校縣

治多所增修

成化十六年在

潘 容南直儀真縣人由舉人才力優贍政務修

舉

成化二十三年在

郭 吉直隸高陽縣人由舉人

弘治年在

王 綸直隸開州人由進士弘治六年任陞浙江

衢州府通判以才能未與考選瀕行留題演武

場刻石紀事見藝文

薛鳳鳴順天府寶坻縣人由進士弘治十七年任

選監察御史善書有石刻尚存

張子麒直隸藁城縣人由監生

正德戊辰年在

崔 冕順天府薊州人由舉人正德九年任承凋

殘之後頗稱安靜九年任滿去有去思碑

于 璞山西洪洞縣人由舉人嘉靖元年任才識

通明政務具舉縣民被火風烈火熾公禱卽息
有記見藝文調長清縣歷濟南府同知

耿希顯河南人由舉人嘉靖三年任

傅賢直隸新樂縣人由監生嘉靖四年任

曲守直直隸東光縣人由舉人嘉靖六年任調山

西平遙縣

方渠直隸巢縣人由舉人嘉靖九年任廉靜寡
欲博學能文爲羣小排搆去官士論惜之

王烈直隸江都縣人由監生嘉靖十一年任

王宰陝西安定縣人由監生嘉靖十六年任

奚璠湖廣黃岡縣人由監生嘉靖十七年任

王相直隸海門縣人由監生嘉靖二十年任

唐韶河南汲縣人由監生嘉靖二十一年任

鄭樂直隸任丘縣人由舉人嘉靖二十三年任

王瑀騰驤衛人由舉人嘉靖二十六年任

陳訓直隸鹽山縣人由舉人嘉靖二十八年任

文高廣西全州人由舉人嘉靖二十九年任

劉服膺河南鈞州人由舉人嘉靖三十一年任

蹇應祺陝西涇陽縣人由進士嘉靖三十三年任
陞山西大同府同知

史資教山西蒲州人由舉人嘉靖三十五年任洞
悉民情諳達吏事剛明果斷四境肅然誤以負
租左遷濱州判官歷南京戶部郎中

姚 隆河南洛陽縣人由舉人 嘉靖三十七年任

劉 澤廣東南海縣人由舉人 嘉靖四十年任

二子英直隸蒙城縣人由舉人 嘉靖四十一年任

山西太谷縣人由監生 嘉靖四十五年任

李邦道山西解州人由舉人 隆慶二年在

胡 寧直隸睢寧縣人由舉人 隆慶五年任

樊思誠陝西隆德縣人由貢士 萬曆元年任

馬三才雲南永昌軍民府人由舉人 萬曆三年任

趙應期河南永寧縣人由貢士 萬曆四年任

牛 惇山西安邑縣人由選貢 萬曆六年任

張性誠陝西西安化縣人由貢士萬曆十一年任修

城有功闔邑頌德

王自謹河南南川縣人由選貢 萬曆十四年任

盛廷枝直隸廣德州人由舉人萬曆十七年在

鮑紋直隸沐陽縣人由選貢萬曆十八年任有祠在西關今廢

楊梯河南商丘縣人由選貢萬曆二十年任

錢應樂浙江餘姚縣人由舉人萬曆二十一年任

姚宗道直隸旌德縣人由選貢萬曆二十三年任創行條鞭法百姓稱便有于少保記見藝文祠在東門外今廢

徐州牧江西豐城縣人由舉人萬曆二十六年任江右解元負文名海內重之雖事觴詠而無廢政詩見藝文

孫世恩直隸江都縣人由選貢萬曆二十九年任

張崇榮山西代州人由舉人萬曆三十二年任

王心淵直隸深州人由舉人萬曆三十五年在

王邦秀陝西鄜州人由選貢萬曆三十七年在

王邦楨河南尉氏人由選貢萬曆三十八年在

高達之四川銅梁縣人由舉人萬曆四十年在

正和平與民休息芟除積盜闔邑德之

王諭陝西渭南縣人由舉人

萬曆四十四年在

李潤民南直山陽縣人由舉人萬曆四十八年任

愛民重士立社課文鼓勵有方自是人文蔚起
侯作人之力居多蓮妖之變密謀定亂調武城

令士民立祠祀之在東關外今廢

陳一元直隸遵化縣人由舉人天啓二年任十八

日調郟城陞濟寧州知州

蔡可陞福建田州縣人由舉人天啓二年任有文學

能詩工正書草書著作甚富調盧氏縣

趙之璧四川人由選貢

天啓五年任

李希衛雲南人由舉人天啓五年任行取工部

主事

趙之衡由貢生

崇禎元年任

王資四川嘉定州人由舉人

崇禎元年任

郭延芳山西沁源縣人由選貢

崇禎三年任

唐虞讓廣西興安縣人由舉人崇禎五年任政尚

平恕淹博能文時邑有積蠹訪係前任真盜不

動聲色立除大患輿論稱快卽以此爲衙胥中

傷甫八月而被勘去官士民惜之有詩見藝文

茹時芳河南灑池縣人由歲貢崇禎六年在申除
劣矜衆爲立碑陞黃河廳同知

李在河南元武縣人由舉人崇禎九年任以憂去

黃用學河南息縣人由舉人崇禎十一年任以憂去

劉燧北直易州人由貢士崇禎十三年任

山東平陰人

郭子智遼東人由舉人崇禎十四年任辛巳冬土

寇攻城守禦有方癸未城陷殉難

朱弘祚山西澤州宗生崇禎十六年任甲申流寇

陷京師僞官將到遯居省城順治元年署長

清聊城後亡去不知所往

國朝

郭仲金山海關人由貢士順治元年任當改革之

後撫循殘邑頗著勞績轉湖廣衛經歷

劉昇祚山西汾陽縣人由進士順治二年任胡果

流民清除荒糧招安土寇修理城垣留心文藝教

諸廢具與會撫寇復叛撫衆攻城設法守禦卒

保全無恙舉卓異行取兵部主事歷湖廣南岳州

道城陷殉難

王國柱滿州籍浙江人順治四年任檢書翁暴抄
沒無辜信任邑蠹橫行無忌羅織精神屠害甚多
家甚至擅立殺場刑設炮烙殲殺生員孫如楫
牛射斗等數人慘聞遠邇爲魏掌垣象樞王菴
臺應元前後糾參張督臺存仁審明暨請蠹咸
以大辟正法朝野始快此古今異變用誌之以
爲龜鑑云

陳秉直遼東海州人由貢士順治六年任值王令
慘殺之後士民逃散惴惴不保其生侯招集

循人漸復業小文申免有主荒糧地方甦餽賠之
累一邑歌樂不只焉按院馮疏薦陞膠萊運判歷
泉州府知府分守河東道叅政陞江南按察使
見浙江承宣布政使司

趙承舜山西平遙縣人由拔貢 順治十年任

高文徵

趙宇明

程啓運由貢生順治十五年任陞江南常州府 通判

包元翀江南廣德州人 順治十七年任

馮臯疆山西蒲州人由進士

康熙元年任

縣丞

康 縉江西泰和縣人由進士

洪武四年任

王 宗河南靈寶人由監生任

王 篤河南太康縣人由監生任

黃 端直隸隆慶州人由監生任

賈 禎直隸樂城縣人由監生任

尹 幸夫河南裕州人由監生任

張 紹祖直隸贊皇縣人由監生任

主簿

龔鼎臣鄆州須城人宋仁宗時爲平陰主簿

見名

典史

王忠河南新鄉人由監生任

單柔浙江會稽縣人由吏員任

董廣直隸藁城人由吏員任

姜拳直隸華亭縣人由吏員任

常賢河南舞陽人由吏員任

謝章直隸安肅人由吏員任

陳鳳直隸遵化人由吏員任

楊林山西屯留縣人由吏員任

石永固四川睢州人由吏員任

韋俊陝西富平人由吏員任
嘉靖十三年任

李芳河南嵩縣人由吏員任
嘉靖十八年任

王言江西新建人由吏員任
嘉靖二十五年任

羅仰江西吉水人由承差任
嘉靖二十八年任

楊昂直隸霸州人由吏員任
嘉靖三十一年任

楊繼山西應州人由吏員任
嘉靖三十三年任

周瑞湖廣咸寧人由吏員任
嘉靖三十七年任

楊正學湖廣麻城縣人由吏員

嘉靖四十三年任

范大器浙江會稽縣人由吏員

嘉靖四十五年任

崇冕直隸天長人由吏員

隆慶二年任

陳洲直隸長洲人由吏員

隆慶五年任

沈謨直隸興化人由吏員

萬曆二年任

楊守仁直隸高淳人由吏員

萬曆七年任

翁尚忍福建晉江縣人由吏員

萬曆十年任

毛守成浙江鄞縣人由吏員

萬曆十三年任

宋平穩河南獲嘉人由吏員

萬曆十七年任

陳良浙江慈谿縣人由吏員

萬曆十八年任

張本江西南昌府人由吏員

萬曆二十年任

楊倫德浙江鄞縣人由吏員

萬曆二十三年任

王光大直隸定興縣人由吏員

萬曆二十七年任

王芳南直江都縣人由吏員

萬曆二十九年任

黃國麟江西南昌縣人由吏員

萬曆三十二年任

江永澄直隸合肥縣人由吏員

萬曆三十五年任

張栢直隸定遠縣人由吏員

萬曆三十七年任

譚國賓江西豐城縣人由吏員

萬曆四十年任

官應宿福建德遊縣人由吏員

萬曆四十三年任

茅一龍浙江山陰縣人由吏員

萬曆四十四年任

顏養和由吏員

萬曆四十八年任

鄧迪光由吏員

天啓年在

蘓尚魁由吏員

崇禎年在

郝振奇由吏員

崇禎年在

楊國士陝西朝邑人由吏員

崇禎九年在

沙潤明直隸人由吏員

崇禎十三年任

楊世發陝西富平縣人由吏員

崇禎十七年任

師儒

放勳曰勞來匡直三代之庠序校未有有其學而不
備其官者也漢曰經師魏晉以下曰文學唐曰經學
宋曰教授明因宋而增其名

本朝因明而並其職此歷代教官之大槩也悲夫名存
而實亡也久矣夫教以經術行誼爲先者也問今之
經術有若林勳之政本十三篇者乎今之行誼有若
李道傳之遺書討賊抗節不撓者乎卽有雅雅魚魚
望而知爲胡公弟子者乎聞之青出于藍而深于藍

未聞與墨者居而反赤也昔文翁治蜀能使蜀一變而爲鄒魯之風奈之何鄒魯之遺而不思所以變之乎夫千里之內豈無賢人十室之邑必有忠信父兄之教子弟之率繫乎學之矣志師儒第二十四

教諭

鮑文照浙江餘姚縣人由歲貢任

皇甫節河南安陽人由歲貢任

劉振河南封丘縣人由舉人成化六年任學行

著聞督學畢公有贈詩以文雅風流見稱嘗率

衆修學在任九年陞翰林院孔目

李紹江西臨川縣人由歲貢任

吳瑞湖廣陵零縣人由舉人任歷伊府長史

毛儒浙江嘉善縣人由歲貢任

余朝福建莆田縣人由舉人任經史貫通訓迪不倦以善教知名於時

賈稷南直江都縣人由歲貢任

夏鑑浙江天台縣人由歲貢任

張存義直隸雄縣人由舉人任

關 全江南永豐縣人由歲貢在

張本學南直句容縣人由歲貢在

張 鱗浙江仁和縣人由歲貢嘉靖十一年在文

學優長動止儒雅曾立會督課諸生科第有人

自此始

石 銘福建長樂縣人由舉人嘉靖二十年任性

資平易心事光明學博而精文瞻而雅陞廣東

高明縣知縣

張 埧福建同安縣人由歲貢嘉靖二十四年任

朱 文應天府上元縣人由舉人嘉靖二十九年

任剛方正直疾惡如讐以善書著聞於時陞河

南陳留縣知縣

陳 貢河南內鄉縣人由歲貢嘉靖三十二年任

陳 韶直隸泰州人由歲貢嘉靖三十六年任

鄭 愈湖廣孝感縣人由歲貢嘉靖三十八年任

邵 泗應天府溧水縣人由歲貢嘉靖四十年在

陞菴山衛教授

韓 鑑直隸肥鄉縣人由歲貢嘉靖四十五年任

許三省浙江錢唐縣由舉人隆慶二年任陞國子
監博士選監察御史

劉 渠直隸合肥縣人由歲貢隆慶四年任
何承謙浙江建德縣人由選貢萬曆元年任

王 相濟南府樂陵縣人由歲貢任

張文羽浙江嘉興縣人由舉人任

楊 林直隸虹縣人由歲貢任

傅一化濟南府武定州人由歲貢任

蔡居堯廣東人由歲貢任

楊紹英直隸安肅縣人由歲貢任

陳允恭直隸常熟縣人由歲貢任

劉存禮河南彭德衛人由歲貢任

劉應科直隸保定府後衛人由舉人任

李爾瞻青州府莒州人由歲貢任

陳九衢直隸廣德州人由歲貢任

冀徵忠青州府益都縣人由歲貢任

賈大儒萊州府平度州人由舉人任

盛弘蘊東昌府清平縣人由歲貢任

嚴中立松江府清浦縣人由舉人任學問優贍興

起文教借山陽李侯相與有成陞湖廣荆

門州知州

周宗望貴州新添衛人由舉人任

李時芳北直房山縣人由歲貢任

傅弘猷濟南府武定州人由歲貢任

李過庭由歲貢任

左 樂登州府人由歲貢任癸未殉難

平陰教諭

王國猷青州府人由歲貢任

宋思讓東昌府館陶人由歲貢順治四年任

嵩衛教授

劉應龍遼東人永平府籍由舉人順治十年任

訓導

彭 昭江西吉水縣人由儒士任

陳 諫直隸昆山縣人由歲貢任

張 郁直隸南河縣人由歲貢任

朱 錦陝西鳳翔縣人由歲貢任

邵 真直隸唐縣人由歲貢任

趙思孝直隸定遠縣人由歲貢任

東時泰直隸靜海縣人由歲貢任

宋希仁河南考城縣人由歲貢任

余 龍直隸通州人由歲貢嘉靖十三年任陞王府教授

陳 言直隸徐州人由歲貢嘉靖二十年任陞直隸唐山縣學教諭

張 衷直隸來安縣人由歲貢嘉靖二十七年任陞濱州學正

孔 鯤直隸安肅縣人由歲貢嘉靖三十三年任陞山西臨汾縣學教諭

王紹美陝西長安縣人由歲貢嘉靖三十九年任解 沔直隸東安縣人由歲貢嘉靖四十一年任

陞陝西咸陽縣教諭

張希魯直隸濟縣人由歲貢嘉靖四十五年任陞陝西葭州學正

李曰瑚直隸清苑縣人由歲貢萬曆元年任陞河南南洧川縣學教諭

李德馨河南汝陽縣人由歲貢萬曆二年任

邵 柝直隸戩榆人由選貢萬曆六年任

楊 沐莘縣人由選貢萬曆七年任

李繼才山西岢嵐州人由歲貢任

于汝諧青城縣人由歲貢任

黃一曾福建晉江縣人由歲貢任

翁誠之直隸華亭縣人由歲貢任

王繼業泰安州人由歲貢任

賈潛山西襄垣縣人由歲貢任陞知縣

劉之東莒州人由歲貢任

張問行齊河縣人由歲貢萬曆年任

尹耕莘武城縣人由歲貢萬曆年任

楊起龍臨清州人由歲貢天啓年任

周詩昌樂縣人由歲貢天啓年任陞肥城

縣學教諭

吳靜河南西平縣人由歲貢崇禎年任

于從正齊東縣人由歲貢崇禎年任

張文繡淄川縣人由歲貢崇禎年任

王登泰陝西靈臺縣人由歲貢崇禎年任

李士雅河南汝寧府人由歲貢順治五年任

馬孟道安丘縣人由歲貢順治九年任

名宦

自古及今官斯邑者指不勝屈矣而治績可紀者寥寥何哉德以去而愈思論必久而後定名也者邀之不能來辭之不可得者也苟不務實而名是求上下相欺至于蒞任未久而尸祝隨之過其地睹其像私念其所爲而不覲然汗出者豈人情哉審良耶史氏之書萬民之口章章也不然綺語豐碑不旋踵而鎮石矣胡爲乎胡爲乎志名宦第二十五

漢申屠剛扶風茂陵人光武時爲尚書令以數切諫

出爲平陰令有治行見通志

舊志

劉章光武兄續之子光武以少貴欲令親吏事乃

以章爲平陰令在邑有善政凡數年人懷之後

封太原王見通志

舊志

袁安字邵公汝南汝陽人章帝時舉孝廉除平陰

長嚴重有威吏民畏而愛之見通志

舊志

宋范

諷字補之真宗時以陰補將作監主簿獻策

封遷太常寺奉祀郎又獻所爲文留試入等出

知平陰縣存視貧弱至猾胥大豪峻法治之會

河決王陵埽水去而田失阡陌累訟不能決訊

分別疆畔者爲券民不復爭登進士第歷通判

鄆州特州守李廸貶衡州副使宰相丁謂戒使

者促上道諷輒留廸數日爲治裝祖行知青州

又知兗州累遷太常博士以疾監舒州仙靈觀

章懷德薦於章獻太后遂召還問所欲言對曰

今權臣壟悍將不可制蓋指曹利用也利用貶

拜右司諫也同慶支判官王清昭應宮災下有

可遣使所遣使諷諫止其權天章閣待制諫議大

夫權御史中丞龍圖閣學士

龔鼎臣鄆州須城人仁宗時爲平陰主簿疏泄瀆

水得良田數百頃後知兗州又知青州俱有惠

政見通志

舊志

元范仲謙太原監州人爲平陰令勤於撫綏賦役均

平民安其業立徵仕善政碑見藝文出通志

趙時彥冠州人爲平陰令闢田野勸農桑均賦役

訟者立辨曲直無不允服居官臨民事無過舉

民刻石頌之見通志

國朝

劉昇祚山西汾陽縣人順治二年爲平陰令行實

見令長

五

五

五



平陰縣志卷六



選舉志

科貢

自漢唐迄宋咸懼科目不足以盡人也故孝廉之外更有秀才經術之科又加詞學今則經義一途而已各儒宿學寸晷風簷倒縵小兒者多矣且主者之昏明卽文人之通塞雖淵澄鏡徹未必無塵擾之時以蘇子之平衡而失李方叔他可知已一日之得失爭于毫釐終身之榮枯判如天壤科貢之經學文章舉

真有等級哉雖然苟能奮志于功名雖與臺皂隸之間亦不能有不能滅沒者况同出一途耶故志之均不敢畧也志科頁第二十六

進士

金許 祐大定十年以詞賦登第終潞州節度副使

蘓德秀大定十六年以詞賦登第終鳳翔府同知

劉格大定二十八年以詞賦登第終平州節度副使

董節明昌二年以詞賦登第終太原治中

王瓚明昌二年以詞賦登第終滄州鹽運使

翟升明昌二年以詞賦登第終平定縣主簿

甲振明昌五年以詞賦登第終平山府推官

王知進承安五年以經義登第

李用泰和六年以經義登第

申貞祐二年以經義登第終沂州費縣主簿

李唐英貞祐三年以經義登第

蘇霖貞祐三年以經義登第終陽穀縣令

王天一興定四年以經義登第終汝州梁縣主簿

元王仲元去執之子官翰林以章草知名

明王 環成化甲辰科授河南內鄉縣知縣見人物
張德政嘉靖丙戌科授戶部福建司主事歷湖廣
司員外郎

梁 成嘉靖辛丑科授行人司行人歷兵部武庫
司郎中江西按察司副使見人物

何海晏嘉靖甲辰科授四川順慶府推官歷吏部
四司郎中太僕寺少卿河南布政司右叅政見
人物

尹 約嘉靖己未科未仕而卒

趙雲翔隆慶戊辰科授直隸文安縣知縣調遷安
縣歷戶部陝西司主事職方司郎中陝西副使
陞左叅政見人物

孫 玟萬曆庚辰科會魁授浙江錢塘縣知縣行
取江西道御史巡按陝西順天轉山西左叅議
見人物

張 鯉萬曆庚戌科授河南封丘縣知縣調祥符
縣行取江西道御史贈太僕寺少卿

張 梧崇禎辛未科授戶部主事管宣府糧儲 清

與以原官起用陞本部員外郎見人物

朱鼎延崇禎癸未科 清興授禮部主事改授雲南道監察御史山西巡鹽宣大巡按順天督學掌河南道內陞太僕寺少卿轉右通政太常寺卿通政使司通政使工部左右侍郎工部尚書加一級管吏部左侍郎事

國朝

張中達順治壬辰科未與殿試

孫光祀順治乙未科選翰林院庶吉士改授禮科

給事中歷吏戶兵三科都給事中內陞太常寺

少卿補翰林院提督四譯館太常寺少卿加一

級通政使司右通政陞太常寺卿通政使兵部

右侍郎

鄉舉

明劉文洪武癸酉科歷監察御史浙江按察司副使見人物

趙達洪武丙子科任順天府儒學訓導

戴清永樂己卯科任河南懷慶府教授

劉澤永樂乙酉科歷刑部浙江司郎中直隸真定府知府見人物

丁理永樂乙酉科任武城後衛經歷

岳泰永樂乙酉科未仕

王溥永樂戊子科任浙江紹興府推官

張琛永樂辛卯科任河南都司都事

程益永樂辛卯科任保定府經歷

袁懿永樂丁酉科歷戶部郎中

潘敷永樂丁酉科任山西嵐縣教諭

李孜正統丁卯科任河南確山縣教諭

王高景泰癸酉科任直隸清河縣知縣

姜昂成化乙酉科任河南封丘縣知縣

李匡成化丁酉科任直隸晉州訓導孜之子

王環成化丁酉科見進士

鄧淳成化庚午科歷順天府通州知州南京宗

人府經歷

張漢弘治己酉科未仕

司文舉弘治己酉科未仕

王璋弘治壬子科任河南偃師縣知縣

張善弘治乙卯科任山西稷山縣知縣

張凌漢弘治辛酉科中順天府鄉試任直隸安平

縣知縣

賈琦正德丁卯科亞元未仕

張德政嘉靖壬午科漢姪孫見進士

祝邦榮嘉靖丁酉科歷河南長葛新鄭知縣鈞州知州

梁成嘉靖庚子科見進士

何海晏嘉靖癸卯科見進士

劉戒嘉靖癸卯科歷直隸寧晉知縣太僕寺寺丞山西按察司僉事

王來聘嘉靖壬子科任直隸樂城縣知縣

趙國賓嘉靖乙卯科亞魁任直隸安慶府通判

王衢嘉靖乙卯科任陝西鞏昌府通判

司大化嘉靖乙卯科任浙江衢州府通判

尹約嘉靖乙卯科見進士

尹際可嘉靖乙卯科歷山西崞縣知縣太原府通

判葭州知州臨洮府同知

趙雲翔隆慶丁卯科見進士

張承寵隆慶庚午科德政姪孫任陝西商南直隸

新城縣知縣見人物

孫 琬萬曆癸酉科見進士

趙 岱萬曆甲午科歷任直隸曲陽任縣知縣漸江紹興府通判見人物

張 鯉萬曆丁酉科見進士

畢良玘天啓辛酉科未仕

張 梧天啓甲子科見進士

賈廷燁天啓丁卯科琦之曾孫未仕卒有文學著漢典蒼璧行世

孫振圖崇禎庚午科琬之子未仕文學德行見稱於時祀鄉賢見人物

張中標崇禎癸酉科承寵之孫文行爲時所推癸未殉難見人物

朱鼎延崇禎丙子科見進士

趙貫台崇禎丙子科岱之孫以超貢中式順天府鄉試亞魁任河南彰德府推官陞陝西臨洮鞏昌府同知

孫光祀崇禎壬午科亞魁見進士琬之孫振圖之子張中達崇禎壬午科見進士承寵之孫

清田錫爵順治戊子科

貢士

明

洪武年

張

搏

任廣東布政司

司

林

任縣丞

任

泰

任陝西藍田知縣

江

浩

任四川城遠知縣

張

敏

任山西祁縣主簿

李

達

任海州巡檢

李

珪

任直隸安州判官

永樂年

王

莊

任湖廣均州判官

孫

洋

任湖廣歸州知州

焦昱 任永和主簿 楊燾 任陳留主簿

秦廣 任潞州衛經歷

宣德年

許時 任戶部主事 秦晟 任忠義後衛經歷

正統年

潘倫 任直隸蕪州府同知 王璿 任陳州吏目

王瑀 任新城主簿 蔡琇 任遵化主簿

李翥 任樂亭縣丞 孫毅 任荊州府照磨

胡貴 任清源縣丞 王斌 任陝西汧陽知縣

岳琇 任江西都司都事 張萬鐘 未仕

國泰 未仕

景泰年

趙亨 任小海場大使 任 紳 任直隸成安知縣

劉永清 任靈丘縣訓導 王綱 任緡雲主簿

董林 任廣積倉大使 胡隆 任直隸束鹿知縣

趙齊 任直隸冀州判官 高琥 任成安主簿

郭偉 未仕

天順年

余克讓

任海寧縣丞

王

敦

任山西興縣知縣

王尚忠

璿之子未仕

焦

顯

未仕

王佐

任汴陽州河泊所官

成化年

王綸

任建平主簿

夏

淵

未仕

孫昂

任弋陽縣丞

張

翀

任裕州吏目

王詔

任鴻臚寺序班

麻

文

任蠡縣縣丞

李麒

未仕

尹

彝

任大典縣縣丞真定府通判

叢仁

任常熟縣丞

王

詢

任霸州吏目

石學

任順天府通州判官

梁

俊

任松江廬州二府照磨

弘治年

呂奇

任懷仁孟縣知縣

蔣

涑

未仕

程宗

任興化縣主簿

郭

越

任肥鄉縣丞

任璋

任橫州衛知事

趙世文

任江陰縣丞

岳宗頤

未仕

李

佑

任房山縣縣丞

孫灌

任撫寧知縣揚州通判

王

述

任撫寧知縣

正德年

尹惟德

任直隸縣縣知縣

賈

珍

任涿州訓導廣平教諭

王瑜 未仕

劉增輝 未仕

何守安

任東城兵馬副指揮

丁時舉

任真定府訓導

梁棟

任河南密縣縣丞

姜昱

任開平衛經歷

畢世臣

任平定州學正

嘉靖年

尹惟能

任吳江縣丞

張濼

任高陽訓導博野教諭

胡振綱

未仕

祝壽

選貢任真定經歷陞清河知縣

任希曾

未仕

張德牧

選貢任襄府審理

王汝霖

任天津衛經歷

姜守愚

選貢任確山訓導

鄧美材

任文安洛陽訓導

賈九疇

任陝西綏德州判官

劉增光

任深州判官

王永吉

任湖廣景陵主簿

張永年

未仕

司言

任平谷縣訓導

趙廷槐

任魏縣丞

賈忠言

任石州學正

孫祿

任直隸束鹿知縣

王守哲

任汝州學正

姜守慤

任舒城縣訓導

劉逢吉

任臨淮訓導

馬瀾

任棗強訓導

秦繼先

任南州學正

王嘉祥

未仕

王嘉賓

未仕

團進

任定海縣訓導

賈九思

任如皋訓導

牛利仁

任獲鹿縣教諭

程萬里

任完縣教諭

李春芳

任延津縣訓導

隆慶年

張子儉

任束鹿訓導

劉膚功

任太原衛經歷

王維藩

任在平縣訓導

王股

任黃縣教諭現對

萬曆年

高玉

任霑化縣教諭

張時相

任武清縣教諭

郭衛都

任秦州同知

司大藩

任莒州學正

郭文炳

任陝西通渭知縣

賈瀛

任樂昌縣教諭

張世業

任武清縣丞

孔成顏

未仕

劉執稼

任交河縣教諭

王詩

未仕

李炫

授訓導

王嘉命

恩貢任巫山知縣陞山西鹽運司運副

張纘

任大松衛教授見人物

王鎮荆

任沂水縣訓導

張承業

德政之孫未仕

姜子冲

選貢未仕

靳尚才

任穎上縣訓導

梁士光

任襄垣縣主簿之子

趙時淳

未仕

密誌

未仕

賈橘

未仕

張大本

未仕

孫夢麟

珖之姪廬墓孝子著四書五經說約行世在山西沁源縣知縣

姜從教

歷海豐教諭趙府教授

趙民表

歷長山前學教諭之子

張爾慎

授按察司經歷

郭應朱

任淄川訓導

尹湯聘

任鄧州學正

天啓年

張梧

恩貢見進士

司誠

任鄧州學正

王復性

恩貢任直隸順德府通判

司起潛

任淄州教諭其子

尹秉樞

恩貢未仕際可之孫

傅起巖

任諸城訓導

趙爾教

任靈寶縣丞

崇禎年

趙貫台

趙貢見鄉舉

司衡

未仕

梁應輔

癸未殉難

王圻

辰之孫嘉命之姪未仕

于應震

精于醫學癸未殉難見方伎

張宗旭

承寵之子工詩翰著古歡堂類疏

江產

未仕

朱新業

任景陵縣丞

趙彤華

恩貢任江南寶應教諭

國朝

順治年

孔國祚

任道州知州陝西按察司經歷郟縣知縣

張敦素

任恩縣教諭陝西延川知縣

朱鼎恭

任冠縣訓導

趙日采

雲翔之孫河南考城知縣

程際雲

恩選廣西梧州府同知

程步雲

縣丞

萬滙一

訓導

王統乾

嘉命之孫訓導

張中适

宗旭之子恩拔

趙開世

趙日襄

未仕

郭萬成

未仕

賈中墜

賈逢年

薦辟

古人國士相知安車勸駕世之所欣慕而以為榮

或高臥而不出然聖君賢相逃之愈堅而求之愈切

雖未盡得其用用以風勵天下甚盛德也夫至白者

易淄至清者易濁盛名之下其實難副往往至于首

尾衝决者指目之多而責望之厚也將使人主非薄

于其名有輕量天下士之意曠典不行豈盡上之過

耶是故德有隱而必章理無微而不著處士虛聲之

請願後之君子一雪斯言爾志薦辟第二十七

鮑 助泰山平陰人仕魏至御史中丞

高堂隆泰山平陰人仕魏至常侍

元李之紹至元末以薦授國史編修見人物

明崔士昭由通經儒士任湖廣綏寧縣知縣

劉敬業由廩生任四氏學教授

清張培素鯉之子由增生順治元年由署長清知縣

朱弘祚薦隨部院王鰲永招撫山東奉豫王委

署淮安府同知咨授河南衛輝府通判

例貢

入貲爲郎事始于文景而不害其治比成康他圖進身如張釋之黃穎川而不害其名稱長者彼夫霍光金日磾之流力堪負重而椎魯無文欲應宏詞博學之科與文士角逐而爭後先也必無濟矣天下後世又安能知其賢乎苟心可自信而道不妨委蛇也若卜式之急公則居奇貨矣崔烈之入錢則登龍斷矣事始于偶然而其流至于不可止亦視上之意旨何如爾惟用以暫紓國計終惜繁縷借之通籍仕途不

志樹立庶功名足以鼓舞天下而廉耻之道不亡矣

志例頁第二十九

明王弘 任直隸永年縣丞 梁俊 任直隸松江府照磨

趙邦傑 任陝西藍田主簿 呂毓資 任河南封丘縣丞

孫學詩 任鴻臚序班 張永齡 任直隸通州吏目

尹惟中 王來儀 任四川按察司經歷

江漢 任河南嵩縣主簿 劉迺吉 任直隸元城縣丞

孫稷 任浙江蘭谿主簿 劉勲

何思正 歷河南汝寧府通判 劉雲鶴

任江西饒州府照磨 劉雲龍 任鴻臚寺署丞

廉茂池 任北直懷遠縣丞 張繼業 任拍討司經歷德府審理

何楷 任直隸滄州吏目 廉茂蘭 任直隸太平府經歷

張紹 任河南趙府典簿 何天衢 庠生授例

劉請業 任光祿寺署丞 何天啓 廩生授例

趙民化 任光祿寺監事 趙民敬 庠生授例任江西奉新縣丞癸未殉難

張緘 庠生授例 趙永 庠生授例任河南裕州判著有舒懷理調二册

張鯨 任鴻臚寺序班 王輝

劉弘勳

任鴻臚寺序班

趙民彝

庠生援例在鴻臚寺序班

趙方瞻

庠生授例工書翰

趙方昕

癸未殉難

王堦

朱同芳

庠生援例見封贈

趙民法

任鴻臚寺序班

張行素

鯉之子廩例任文華殿中書撰碑斃獄

何可量

廩生例貢任南隸邳州州判見人物

趙日亨

庠生援例

王知性

庠生援例

王撫乾

庠生援例

清朱鼎振

庠生貢監任河南光山知縣

朱鼎鼐

增生貢監任廣東南海知縣

朱景雲

入聊城籍廩生貢監

朱景奭

孫叔詢

武途

謂武途無賢人耶則郭子儀之鴻猷大節冠古庶今七札力敵萬人尚已然淮陰之手不能縛鷄侯天時相地利明紀律尚已然武穆之奇每于野戰又安在賁育之足誇而孫吳為可恃哉夫惟常格以特中人而又有異等以招國士斯天下之英雄出乎其間焉可供一旦之用也志武途第二十八

明婁魁天啓甲子年

江朝棟天啓年由廩生中京術武舉成武進士授
守備陞遼東大慶河參將

王奇

升進人

崇禎年武舉補身遊人甲申中是歲魏州陷東

師僞官張先聲至縣考校朝勅黃縣起義奇之
後赴肥城勦斬僞官殺仇密約泰安清谷虹廠
入城中遇害

封邑

著績于王室忠也而榮及先世謂之孝澤流後嗣謂
之慈向之相鷄鳴而稱內助者亦邀華表之錫一舉
而三善備人亦何憚而不爲忠耶夫人之膂力以年
而衰而國家懋功之典由秩而進方剛之時或優
恤之所未及無所感激而思報因循歲月者多矣逮
階崇禮渥內顧缺然而膂力已愆乃始嘆鞭策之莫
加徒爾捧詔而涕泣也噫亦晚矣志封邑第三十
元龔秀以子從簡貴贈奉議大夫同知東平路總

管府事號騎尉追封平陰縣子詳見藝文

明鄧海以子淳貴贈南京宗人府經歷

何琦以子海晏貴贈吏部考功司主事

張淵以子德政貴封戶部福建司主事

趙廷寶以子雲翔貴贈陝西按察司副使

梁棟以子成賞贈兵部武選司主事

劉大用以子澤貴贈刑部浙江司郎中

何全以子守安貴贈東城兵馬副指揮

尹士成以子彙貴贈順天府大興縣縣丞

尹惟廉以子際可貴贈山西太原府通判

劉增光以子戒貴封直隸寧晉縣知縣

孫德良以子玟貴贈江西道監察御史

張子冕以子鯉貴贈江西道監察御史

趙一冲以子岱貴贈直隸曲陽縣知縣

王辰以子嘉命貴贈四川巫山縣知縣

劉雲龍以子請業貴贈光祿寺掌醢署丞

清朱大節以曾孫鼎延貴贈工部尚書加一級管吏

部左侍郎事

朱祥以孫鼎廷貴贈工部尚書加一級管吏部左侍郎事

朱同芳以子鼎廷貴累贈工部尚書加一級管吏部左侍郎事

孫振圖以子光祚貴贈禮科左給事中加一級趙方曙以子貫台貴贈河南彰德府推官

程士蘭以子際雲貴累封廣西梧州府同知

清朱景夔鼎廷之子順治十四年官廕生

平陰縣志卷七

人物志

德業

世之王公卿相衆矣當時則榮沒則已焉惟德業爲不朽爾雖以生人殺人之權欲顛倒汨沒之而卒不能掩天下後世之口以黨人誣善類則石工不肯鑄名謂真德秀爲真小人魏了翁爲僞君子徒爲人所笑詈而已故有其實不敢略懼失人也無其實不敢詳懼溢美也非訪之故老見之舊文不敢載缺疑傳

信也身在側微而躋之朝貴之上使人有所觀感而
爲善也志德業非志貴顯也志德業第三十

言沁毓字稚春客居青州父終居墓所二十餘載相
忘世故當路薦之武帝召補南陽王文學秘書
郎太傅叅軍併不就撰春秋釋疑肉刑論凡所
述七萬餘言

按毓爲盧人此平陰所當收者舊志不及特爲
表出

金王去非字廣道自少好學博通經史應制科不得
意卽絕意仕進歲時督妻孥事耕織以給伏臘
家居教授束脩有餘輒分惠人弟子有班斃者
貧不能朝夕一女及笄公爲辦妝嫁之比隣有
喪忌東出西北皆隣居南則公之家也公乃壞
蠶室使得南出葬焉党懷英謂其學可比韓歐
卒門人謚曰醇德先生從祀鄉賢

王去執字明道應進士試不合卽拂衣去杜門講
究經傳文學與廣道齊名以父母多病遂精醫
學金世宗時試醫京師第一入翰林號榆山先

生從祀鄉賢

元李之鼎字伯棠家著教授鄉里學者咸集中屠學士以女妻之至元末以薦授國史編修時直學士姚燧欲試其才凡應酬之文十餘事併以付之公援筆立成燧驚喜曰名下無虛士也延佑中爲國子祭酒遷翰林侍講學士同修國史自號果齋有文集藏於家從祀鄉賢

明劉

文洪武中由舉人擢監察御史激揚有聲尋陞浙江按察司副使從祀鄉賢載皇明名臣錄

劉

澤永樂中由舉人歷真定知府性鯁直操持

廉慎時以清聲著聞朝貴贈以詩曰腰間止有銅鑲帶厨下常將菜作羹至今以爲美談入真定名宦從祀鄉賢載皇明名臣錄

王

環字魯轍少以才學著聞成化甲辰第進士

授內鄉縣令有善政化行民服當道推薦卒於官人皆惜之

何海晏字治象號敬庵弱冠成進士授四川順慶府推官時按君試其才以嘉陵晚望爲題援筆

立就云嘉陵烟樹鎖寒隄
秋色沉沉望欲迷
畫閣窻含殘照遠
文峯塢隱暮雲低
乾坤壺倒隨萍跡
湖海蓬飄信馬蹄
幾度風花人自老
江天明月任東西
三年課最擢吏部
歷文選司郎中
遷太僕寺少卿
出任藩臬所至有聲
任井陘道有登插箭嶺題楊將軍祠詩云將軍古廟翳松蘿
百代英聲迥未磨
插箭嶺高飛鳥近
祭刀石冷夕陽多

中遺二句

末云地下終同岳武穆相嗟和

議竟如何公之學識品望可知歸里後優游
下耆三十餘年亭臺池館花木竹石日以飛觴
爲樂和平溫厚里人敬而愛之所著有敬庵文
集候蟲鳴詩集藏于家

梁成字公濟號後川質直廉慎有古人風登進
士第授行人司行人歷兵部武選司郎中時嚴
氏柄國苞苴公行公執法甚嚴不通請謁當時
有天下清官第一之稱陞江西按察司副使及
辭官歸里居室樸素以清白自娛壽七十九歲
而終所遺田產僅供餽粥家無長物由名核實

蓋不誣云

趙雲翔字元舉號壽峰績學工文成進士授文安令改調遷安威惠服乎遠邇擢戶部主事改兵部歷武選職方郎中終陝西左叅政公雅善談諱不拘尺幅抵掌軍國大事如燭列眉在文安築隄障水察奸防寇制馭貂璫皆有法在遷安嘗奉命視邊將吏畏而懷之備兵榆林其功尤著常躬行套塞諭以威德內外帖然邊陲賴以安堵平生最喜聲歌所著有葆和堂詩集樂府二種至今膾炙人口入皇明名臣錄

孫 玳字玉耳號湛明少嚴重好學弱冠舉孝廉魁南宮第十二人授浙江錢塘令清操惠政卓冠一時去之日邑人肖像祀焉徵拜侍御史獨立敢言不避權貴疏禁交際 上從中可其奏吏弊一清出按陝西值寧夏之變殫心籌畫竟殲巨寇再按順天秉公執法貴戚斂手因與相黨忤分藩河東時礦使初出勢張甚公防禦禁嚴璫不敢肆民賴以安以徵悉請告歸里杜門

執一字不干公府務建興文館於東門內延師
教邑中子弟多所造就士林重之銓曹復起公
分陝未幾卒從祀鄉賢載皇明從信錄

張承寵字天寵號荷宇幼爲諸生有聲甫弱冠卽
登賢書後就教長山陞陝西商南縣民淳訟簡
日以嘯歌觴詠爲事署其廳曰臥理有思過不
妨時閉閣阜財惟是日鳴琴之句復除直隸新
城縣旋以迂璫歸里行誼詳墓誌

趙信字嶽宗號鑑塘偉器績學有聲諸生中萬
曆甲午舉於鄉以親老入仕授曲陽令諸練世
務曲陽舊有採礦之役中使需索歲費不訾力
請當道代題得罷北嶽廟壁間有吳道子畫鬼
各上臺臨摹民疲於供爲摹于石以應之六載
舉最遷判紹興至紹築湘湖四十里以利商民
至今賴之攝姚江篆有惠政會以隣令私揭以
原官調補任縣任倚漳水灌田久爲隣猾占據
力爭復故闔邑稱慶卒於官後祀鄉賢詳見本傳
張縝字子密號愛竹以歲薦歷任臨清拍遠大

嵩等處學博終濟南德藩教授學術淹洽工詩
著述甚富居鄉端謹斤斤不踰尺寸持已誠信
而濟之以和導人以善津津不倦藹如也屢舉
鄉飲大賓壽八十有四當時稱爲醇德云
何可量字汝器號玉谿事親至孝恭兄友弟中外
無間言與人謙謹終身無疾言厲色鄉里悅而
敬之文譽藉甚以屢困省試由廩例判邳州治
河勤瘁有功尋遷晉臬知事解組歸里修誼益
著好善樂施親族有不能婚葬者多所資給庚
辰歲荒賑卹甚衆工書畫精藥餌遠近求之
不暇給然應之不倦也舉鄉飲大賓年七十而
終

孫振圖字龍友號象明貌偉行潔勵志端介踰弱
冠父侍御公歿事母鄭恭人至孝不問家人生
產博極羣書又明當世之務遇事侃侃談論風
生萬曆乙卯歲饑奉鄭恭人命輸粟百石賑荒
按臺嘉之表其門曰一門孝義崇禎庚午舉於
鄉遠近額手相慶甲戌禮闈已遴入彀後竟置

乙榜庚辰辛巳連歲奇荒人相食煮粥賑饑日以數百計數月無倦諸生貧不能糊口者稔其名近百家以錢米厚往遺之賴以全活者甚衆癸未捐負郭腴田一百二十畝贍養貧士學宮資之利濟多端蓋一代經濟才也又以平陰科名寥寥力爲振拔集里中名下士數十輩講藝課文以名行相勉特立會所茶食油炭悉取給焉厥後公獲雋而同社諸子相繼而售者數人皆公爲之倡也公爲人性剛正好惡不少阿諛無隱行言無匿旨邑之不肖者忌之乘鼎革初法令未定媒孽惡令中以危禍抱憤而卒仲子光祀赴都鳴冤凡質審四年事始大白惡令奸徒悉正大辟遠近咸快心焉邑舉人趙貫台贊曰敦彝嗜古性生逸羣推恩逮物自淑淑人向抒厥蘊業覃同翰選人不令玉委珠沉雉羅載咏型范云湮從祀鄉賢詳見本傳

張 梧字伯高號掖垣性純篤有至行幼而失怙母田太夫人苦節鞠養之及長受教惟謹端志

力學遂有名於時甲子舉於鄉辛未成進士殿
試二甲十七名授戶部主事司餉宣鎮釐和尅
之弊守法不阿觸權黨怒劾歸優游田里無愠
色清興召用舊臣仍補戶部主事遷員外郎
權淮關恤商裕課人咸稱便以不善逢迎違漕
督意遂誣論之旋里候左遷邑中無良亦素恨
公持正不與小人爲緣嗾惡令忽詣公家指藏
兵械爲名罄掠而歸然兵械實令所攜也時山
寇盤踞爲患又逼公入山竄勦以致遇害
十六
十八公居心渾樸不雕不琢績學醇深不自矜
伐居官寬厚不以巧捷見長與鄉人處泊然布
素頗嗜飲盃酒相對世味頓忘全無貴賤之念
介其胷中值習俗澆薄鄉里惡少或肆欺侮公
坦然受之弗與較也其德量深廣比於陳太丘
之爲人而忘機自適有靖節之風焉詳見本傳
朱同芳號翠華邑庠生和平謙謹篤於倫義父歿
哀毀幾至滅性塋祭備禮不以累諸弟生平廉
隅自守不樂逢迎豪貴攻苦制業未售因授劍

入國學課子姪相繼成名崇禎庚辰辛巳間
民載道煮粥給貲竭力賑卹其不能旋里者使
人伴送費數百金鄉里有貧寒者多方救濟樂
施不倦及子貴益崇退讓一言一行與物無忤
絕口不道人陰私與人爲善化及鄉閭非公事
不至縣邑積德彌劭風教賴之贈工部尚書從

祀鄉賢

李陰人

張中標號赤城性高潔讀書刻苦有濟世之志
爲文澹曠沉微自成一家時邑中豪貴以雄貲
奔走諸士公挺然自立不屑與交及爲孝廉益
敦行誼值庚辰辛巳歲饑餓粥不繼閉戶吟誦
一字不干公府人服其品癸未城陷殉難

鄉賢從祀

古之鄉先生沒而祭于社從祀之典自宋始也然王安石謂春秋爲斷爛之書學宮不以造士賓興不以取人敢于非聖矯誣甚矣而以配享孔子以孔子而非聖人也則崇祀安石可也以孔子而聖人也而又以非聖人者爲之配義何居焉夫好溺于阿比之私而論定于蓋棺之後不僭不濫不敢以枉道誣三代之民也志鄉賢從祀第三十二

金正法辨節醇德先生行實詳見墓表

王去執卽着山先生行實詳見墓表

元季之鄉卽朱齊先生行實詳見人物

明劉文浙江按察司副使行實詳見人物

劉澤真定府知府行實詳見人物

孫珖山西河東道左叅議行實詳見人物

張子冕順江西道監察御史

清朱同芳贈雲南道御史行實詳見人物

孫振圖舉人贈禮科左給事中加一級行實詳見人物

趙岱直隸任縣知縣行實詳見人物

真貴

有開國之勲與國終始者義也乃山河帶礪之盟一

交而為鳥盡弓藏之計隱烈士之壯心傷國家之元

氣莫此為甚矣蓋其酬之也出于無可奈何故嫌卻

易生而與去之無復顧柳子謂封建非得已者使其

為後世之人主言之誰曰不然哉語曰百足之蟲至

死不僵不思所以駕馭之而但以芟除為不足慮猶

與人鬪而自斷其臂也夫封建井田者先王治天下

之大法也第舉其利亦不去餽羊之意云志真貴第

龔履簡元祐三年封奉議大夫寧夏府路鳴沙州

知州兼管本州諸軍與魯勸農事平陰縣事

胡三思元奉議大夫晉寧路知州兼管本州諸

與魯勸農事

孝義

古之人孝已豫于詩書未入之日而義每施于無可
希望之人非其出于天性而不待勉強者乎雖然孔
子家兒不知罵曾子家兒不知怒雖皆天性亦習慣
使然而教之者素爾范文正之濟貧友父子不約而
同心孔北海之庶賢人一門爭死之不服雖皆天性
非力行之篤不至是也若夫汲壽之先後趨死陷父
于不慈非孝之正也卽非義也荆軻聶政之借軀報
讐非義之正也卽非孝也聖人之所謂孝義中而已

矣志孝義第三十四

金韓 溫父子三人仗義輕財多所施濟延祐間創
建西門南門石橋所費不貲溫施之無倦容不
以爲德見石橋記

元李欽龍化山人性至孝蚤失父奉母勉供甘旨母
病醫藥不效欽乃竭誠禱神隆冬單衣與母祈
安於岱嶽旣歸母夜夢一白衣人至其榻瀝水
於身比覺沉疴頓釋人皆謂誠孝所感後以壽
終欽哀毀踰禮廬墓終制事闋旌表其門國子
助教陳繹爲作傳

明王福延天性淳樸事二親以孝稱母歿夜則廬墓
側晝則奉父父歿遂永廬墓所廬有馴兔爲感
天之驗正統十四年旌表詳見本傳

王 佐貢士廬墓三年

孔 賢宣德間爲旌德丞時土寇猖獗攻城縣僚
狼狽賢曰受朝廷爵自宜死朝廷事登埤固守
城陷死之

劉 明家有厚積鄰家稱貸者輒給之有負債者

卽爲焚券正德年流賊將入境里民震怖公諭以居守狀出粟賑給卒濟艱危詳見本傳

朱祥平生好施萬曆三十五年及四十三年大歉各施米百石鄉人賴以全活者甚衆初爲徐州吏目遭劉賊攻城身先士卒賊池得以保全後爲潼關巡檢抗查關稅商賈沾惠告老回籍祖產盡與兩弟遠近稱爲善人享壽八十四歲後贈大司空人謂盛德之報云

孔志岸生天性孝友好賑貧卹孤有弟癩而嗜酒屢破其產輒分已產給之萬曆甲寅歲餘歲入有糧百斛悉以贍親族

石麟貢士山西沁源知縣父母歿皆廬墓三載經術該洽遠近學者從遊甚衆

王郊廬墓三載縣令給扁旌其門

講母張氏守節痛故廬墓三年時夜有寇至感孝行不劫而去事聞旌表生子五人良玘舉人良玉良珩俱生員良璉良璨諸孫尤盛

傅鳴巖庠生善醫術究心內養善談理事親以孝

聞親死廬墓舉德行

田濟庠生素慷慨有俠風分產時家貲約千金盡讓於弟叔及弟以寃逮獄公挺身代控得釋族有鰥寡者出粟贍之詳見誌文

趙方曦庠生性好施絕不責報每貸與人錢粟多背負置之不問萬曆乙卯歲大歉輸粟百石賑饑邑令獎以倡義崇禎庚辰辛巳復奇荒輸錢百緡賑濟復養饑民十人數月邑令給扁獎之庠師以德行上聞學臺獎賞詳見墓表

張崇敞廩生多義舉脩文員帝勅力任勞勩姑山洞樹之桃李爲一邑勝地土寇攻城撤夫食盡捐食備兵民賴以安兩院具題奉 旨

錄

程邦彥庠生特已端方交皆正人三事繼母兩成幼弟族有俊秀者躬爲教導弟姪孫輩貢庠約數人都封有志讀書者俱爲獎勸誘被罔不盡心卽家貧亦必曲爲供給以玉於成親死廬墓率德行且究心醫卜雜著靡不博通有詩經四

書連章要訣訓兒易解諸書享年七十餘終
孫檢邑增生事親至孝爲人慷慨好義工書翰
尚氣節癸未守城殉難

傅弼廩生父爲土匪唐七所害賊後潛入濟南
充營兵勸卽往機居讀書日挾匕首伺之一日
賊出浴城南朝尾其後待解衣入水遂讓臂手
刃之自詣歷城獄後通省諸生公保藩司王夙
諱點者壯其事力爲昭雪釋之復其諸生如故
一時稱爲義烈云

孫如楫廩生生係振圖之從孫歷生三子爲欲揚祖德振振圖家
繼繼奇禍慮親族有後言請使腹心具書匿名曰
誣構併奎員年射斗劉建百姓高棟等通賊獲
械至堂下加以炮烙之刑嗾以誣叛多人卽親
其死將獨顧霜仇以快其欲大呼曰蒼天在上
豈可誣人求生乎嗚是通路諸人體無完膚尋
衛制之後事發王令及惡黨抵死

節烈

矢死靡他者節也其大在于奉親存祀慷慨捐軀者
烈也所貴在于殺身成仁無服勞奉養之才委曲人
孤之慮雖守一而終亦婦人之常事非無可守也
危不自保之時棄付託之重而輕于一擲或謂之
私情蓋忠貴有用而死在合宜守經而無懼溺私而
忘公非其至也取其有功於所天徇義而不爲苟死
者著于篇亦春秋責備賢者之意夫志節烈第三十

孟姜女春秋時人齊築長城父死于役女嚙指血
點其骨號泣七日始得其骸卽俗傳孟姜女也
姜氏秦景華妻年二十一歲夫故誓不再嫁事
姑以孝聞後以壽終

趙義姑趙彬之女兄曰貴曰忠皆蚤卒唯貴一子
曰玉甫七歲其母與嫡母俱卒姑憐子幼恐趙
氏不祀年十七誓不嫁以撫孤自任後成立爲
娶妻生子五人女二人諸孫亦蕃邑人張德政
爲之誌銘見藝文

張氏汪習妻年二十歲夫亡遺腹生子曰汪儒海
育成人志節不移

程氏舉人司文舉繼室年二十一歲夫歿氏止一
女撫前妻叢氏子讀書至成立清操凜凜人無
間言

梁氏張珮妻年十九歲夫亡生子天鵬方數日勵
志守節撫天鵬至成立壽至八十而終署縣任
公表其門

司氏司文政女年十六歲正德壬申羣盜突入其

里逼挾上馬女以手挽伯母衣極口罵賊遂遇害

司氏贈吏部考功司主事何琦副室年二十九歲夫亡生子海晏方踰歲勵志守節事姑以孝聞家鮮資產躬織紉勤紡績以自給所處皆人所不堪者氏獨安之子長從學諄切訓誨後登第官吏部歷藩臬所至有聲氏封太安人以壽終張氏增廣生員廉茂澹妻年二十八歲夫亡舅姑尚壯氏撫遺孤事舅姑朝夕勤勞無少倦怠持守清白終始弗渝

張氏畢乾妻夫故氏年十九歲撫三月孤子畢講成人生孫五人一舉鄉二遊庠事聞奉勅建坊李氏張承家妻年二十九歲寡遺子三人遭繼母之變逼令改嫁氏忍死存孤事母唯謹子俱成立壽八十九歲而終奉旨旌表

倪氏生員江子湘妻夫亡撫孤子江產治業延師家道隆盛後產入庠有聲膺歲薦事聞旌表王氏田策妻年二十四歲策亡遺子九成八歲家

鮮資產乃躬績紡以事孀姑育孤子享年八十
四以壽終

田氏張爾儁妻夫亡撫孤子張梧食貧督課後成
進士官戶部員外事聞旌表

趙氏田志妻年十七歲夫亡遺子斯美方三月勵
志守節事舅姑以孝聞

郭氏太學生王拜妻夫故時氏年二十七歲遺三
孤子統乾承乾光乾俱幼爲延師外塾督之甚
嚴事堂上運副公得其歡心與異母弟析產能
忍讓持家井井有條後三子俱遊庠今統乾已
膺歲薦

畢氏生員畢振翼女幼字邑孝廉張中標子丕聲
時方于歸而不聲適病寢疾者七日卽七日不
食病且革女尋欲自盡父母使女侍日夜嚴防
之女曰死則俱死耳防我不義也吾志決矣何
防者寐去自經死父母成其志爰從舅姑之請
合墓於西阡之兆邑令爲表其門

^張張烈婦舉人趙貫台長女歸東河張子顥崇禎壬

午冬城陷被虜至城北脫身投井溺死十九日
面目如生衣帶俱縫紉糾結不可解二年二十
一歲一時烈之

姚氏孔光顯妻順治三年周賊大亂擄氏迫行氏
以頭觸賊罵不絕口賊爭刃之遂遇害

隱逸

世之甘老山林而無軒冕之慕者其道有三或情所
難忘義不可奪堯舜在上下有巢由亦各其志焉所
謂不事王侯高尚其志者也或雨雪其雩讒人高張
賢者不得行其志遂乃攜手北門掛冠神武所謂不
顧行遯者也又或亂賊權奸盜竊神器處非其據而
能策其必敗托疾自晦鴻飛冥冥所謂旣明且諳知
幾其神者也要其友麋鹿而自得攀桂枝而淹留驢
背酒瓢枕流漱石咸能自樂其樂而非強也果曠懷

高致適出風塵雖半綬陶潛終稱處士苟非其人則
少壯登朝猶自謂無宦情也誰其信之北山之移文
仕宦之捷徑何以自解耶志隱逸第三十六

唐張叔明爲魯諸生曾與李太白等六人隱徂徕山
號竹溪六逸其行事不少槩見有杜子美題張
氏隱居二首見藝文意其時亦少陵之友也

明于秉純字誠庵少爲諸生善醫藥得金丹要訣以
神僊爲必可得絕意仕進晚年日遊會僊山吟

咏自適自號真真子有詩云莫笑老真真真真
自在人無日不嘻嘻無日不吟吟吟則詩一首
飲則酒一尊酒飲立性詩吟吟妙心知道天
合地曉得古與今莫笑老真真真真自在人悟
道詩百餘首不能悉載年近九十龐眉皓鬚拄
杖逍遙一夕無疾而逝

蔡養恬不求利祿嘗以教授生徒爲務善琴曲數
闕茅屋土垣雜植松竹花草遭歲歉窮餓終日
但鼓琴自適云

張繼業號東山居大留村爲王府審理謝事杜門

有庭園花木之樂東阿于少保贈詩云陶朱今
不見君是魯朱家俠骨千金劍僊爐五色霞生
涯隨畜牧鄉語話桑麻早結東山隱驚看鬢有
華善相陽宅著有陽宅十書

方伎

道形而上藝形而下方伎又居六藝之下者也然岐
伯之書管輅郭璞之術奪造化之權泄陰陽之秘又
誰曰不然至于輪扁斲輪偃婁承蜩庖丁解牛橐駝
種樹事至微賤矣由其說而修身治國之理已寓故
曰雖小道必有可觀致遠恐泥 聖王在上諸不在
六藝之科者不許竝進謹列其有益于民無害于政
者而他不敢及焉志方伎第三十七
春秋時扁鵲姓秦名越人少時爲人舍長舍客長桑

君過扁鵲獨奇之常謹遇之長桑君知非常人
出入十餘年乃以禁方秘授之出懷中藥云飲
是以上池之水三十日當知物矣扁鵲如其言
視見垣一方人以此視病盡見五臟癥結特以
診脈爲名耳爲醫或在齊號盧醫或客趙名扁
鵲詳見史記

按扁鵲家於盧故稱盧醫其後客鄭客趙過魏
過齊過邯鄲聞貴婦人卽爲帶下醫過周聞愛
老人卽爲耳目痺醫過秦聞愛小兒卽爲小
醫蓋名聞天下無所不之而盧其世業之地
兄於病視神未有形而除之故名不出家中兄
治病在毫毛故名不出閭見鶡冠子是又盧之
神醫也

明靳尚才貢生精醫術有巡按使者過邑偶延診視
靳曰雖無病會當失血宜先防之按君不聽至
長清忽暈眩嘔血數升不能起遂檄縣令懇請
至長清授藥二劑而愈傳者以爲神異

何可量號玉谿邳州州判精醫術凡有求者雖昏

夜亦起應之施不責報善奕工書不拘拘摹帖
而自成一家至水墨丹青尤篤好之在雲林石
田之間

于應震號賜東歲貢博學能文教授生徒甚衆兼
精醫理東阿喬貢生緒啓息傷寒症以肩輿迎
之至則聞哭聲大作云已逝矣于進而弔之曰
試撫胷前若何家人候之曰猶有微息乃調藥
徐灌之入數七而甦數日後輒起飲食其伎之
精妙如此


趙方曙字初陽別號研田太學生好聲伎游侯工
書真草篆隸無不精至構研田齋畜圖書法帖
甚富臨摹輒肖遠近馳絹素求之應接不暇後
城陷殉難

僊蹟

服氣冲舉之說信有之乎抑盡出于幻妄耶然龜納
鼻息鹿運尾閭皆能致數千歲魚蛇煉之可爲神龍
蚌至微吸日月之華而產珠石至頑聚山川之英而
蘊玉矧人之最秀而靈者耶使盡出于幻妄也則龜
鹿之壽魚蛇之化蚌石之產珠蘊玉豈幻妄耶豈梟
有之而學之不得其傳耶抑果有之而好之者喜爲
誇張附會至于渺茫不經反不足信耶存其理之可
據者而渺茫付之不論可也志僊蹟第三十八


譚 峭字景昇譚子之後得僊詩云線作長江
作天靴鞋拋向海東邊蓬萊信道無多地只在
譚生拄杖前齊丘子得其化書行世





原件短缺

卷8上



原件短缺

PI

劉九法曹鄭瑕丘石門宴集

杜



秋水清無底蕭然淨客心
椽曹乘逸興鞍馬到荒林
能吏逢聯璧華筵直一金
晚來橫吹好泓下亦龍吟

題王廣道環翠堂

党懷英

金學士承旨

誅茅結構略三楹顧揖青山共落成
一徑宛如通輞口甘岑何用詫南城
清風枕簟人間世黃卷聖賢天下名
只恐山靈留不得暮年合起為蒼生

題左丘明墓

王去非

金隱士邑人

寺壓孤墳墳已摧墳前松柏亦凋衰
未能遷寺還封

樹每到覩君一淚垂

羣賢登第詩

翟

升

金進士
邑人

陶山先生王文盟

甲公綽
號陶山

郭令建學加勸懲

郭好學
平陰令

平陰儒學日復振不讓五虎專前名靳侯才名馳冀

北

靳子昭
邑主簿

初官佐治肥子國下車首詢沂上人供室

勸學增潤色文章圓熟推許公典而麗今詞更工山

城天荒從此破白袍換綠崇鄉中

許

蘇仙久藉家學

力內抱英華外謙抑丁年作賦氣凌雲唾手功名不

勞得

蘇德
秀

古學衆許芝亭劉下筆萬字何能休俯就

繩墨入賦室一戰而勝酬焚舟

劉

賢哉鄒河子董子

入舉終場人罕比廣陽就試欲投名尚以老成爲所

恥

董

孝感里中重王兄德與才稱非過情耽經玩史

日無輟藹然素有場屋聲

王

贊升也文學宗董氏陶山

竹溪亦席侍靳老餘緒復稔聞駑馬十駕晞綠耳

翟

明昌天子試飛龍董子王兄又并雄金門獻賦僕亦

與北宮唱第二人同至今地脉何曾斷吾鄉士風天

下冠學者體法舊規模豈止爲文思過半甲氏名族

世共知後之苗裔振復奇潛依祖德借餘論又向瞻

宮折桂枝

甲振

溪上先生號醇德動為儀表言為則發

明聖道得其傳恩不及身後蕃息乃孫經學有淵源

乙科優中光儒門斬侯名卿能遠慮居賢因此石碣

村

王知進

李君力學人難企弱冠聲華藹鄉里早承鸚

薦上天廷一舉明經取青紫

李可用

翠華警蹕幸南都

聖心願治求碩儒日邊詔下免秋試三英笑指龍門

趨錡氏兼經勤博古蘇子天才中規矩李生伯仲三

豪間鼎甲科名俱力取

錡申蘇霖李唐英

明年較藝入明光

王氏文詞復擅場聖代人才罔遺棄特恩賜第名亦

彰

王天一

筠窓晝叔閒屈指仕者十有三人矣不才暮

鈍其隱居但慶諸公膺器使為報後來為學人前進

已達猶教存勉旃勉旃學而仕食祿無忘先輩恩

送王廷玉輩五十三人赴試

翟升

華國英才久作成秋闈戰藝勢崢嶸雖從前舉多借

計不似今場廣薦名五十三人占府榜一千里地迤

神京定應得意春風裏次第同占桂籍榮

題左丘明墓

翟升

春秋好惡聖人同聞說英魂葬此中愚俗豈知賢者

墓荒村易作梵王宮
壠頭藉藉人相踐
泉下悠悠恨莫窮
前弊革除今可喜
盡歸醇德作詩功

登陶山寺

劉仲傑 金清河令

遺跡千年事恐誣
幽棲誰信爲陶朱
不知古寺東山洞
曾與西施共隱無

登環翠堂基有感

李鑑 元集賢直學士

遺址荒涼紫翠間
讀書人去四山環
塵埋破硯銘猶在
雨漬豐碑篆易斑
化洽花柳前日盛
道留元氣此時閒
晚生不識先生面
南望三山涕泗潛

演武留題

王綸 平令

遙遙丹詔下神京
讀罷令人歎遠征
金甲當年三月重
浮名此日片雲輕
眼前花木渾無主
去後民思諱有憑
碌碌百年今已半
此生何必說調羹

又

四圍山色曉凝嵐
孤劍如何又指南
客氣未銷真是病
壯圖無遂實堪慙
登龍自笑平生拙
報國惟餘兩鬢鬚
鬢鬚萬里暮雲千里月
相思何處問行驂

東山四詠

河南叅政何海晏 邑人

二月東郊物色新
會仙山下草凝茵
相逢不用頻攜
酒花柳春風自醉人

攜杖憑虛趁晚涼
遶城烟起鬱蒼蒼
披襟不覺青山
暮坐聽蟬聲送夕陽

雲樹蒼茫宿雨收
空明一望四山秋
與君不負登臨
約共上層峰豁醉眸

載酒登山寄遠心
城邊景物動高吟
天涯極目烟塵
息寂歷巉岩興轉深

山門有感

梁

威

副使
邑人

九月山門秋更新
憑高遙望滌風塵
聲傳靈異緣今
日道合英遊悟此身
碧嶺雲歸訪隱士
荒蹊艸長倦行人
琵琶一曲清歌迴
無限夕陽勸酒頻

步後川韻

都御史
侯

鉞

東阿
人

載酒山行野興新
驚聞仙磬靜巖塵
玉成兩姓絲蘿
好珍重百年社稷身
夾道黃鸝嘶去馬
悲秋鳴鴈動征人
東山剩有白雲妓
重撥琵琶勸酒頻

元日步雪登東山二首

梁 成

壬申歲月喜重還
春滿乾坤一
滿山與客攜壺同曉

賞酣歌忘却鬢毛斑

六十年前朋輩親而今寥落憶傷神敢論杯酒登高興且喜人間見在身

同後川元日步雪登山

何海晏

積素凝眸霽色開乾坤萬里淨氛埃喜逢佳節重攜手况并高賢共舉杯眼底峰巒虛玉障望中樓閣杳
樓臺登臨剩有人長健華髮何妨歲月催

八景詩

碧峰仙跡

王綸

翠崑當日會神仙風景遺來尚宛然一自鸞輿歸去後
後野花啼鳥自年年

前題

訓導國進邑人

攜杖臨仙山古城枕山足仙旌不復來山艸年年綠
前題

何海晏

出郭誰相迓東山獨爾期幽襟聊自適野色故呈奇
坐愛青苔合旋驚白日移丹砂無復意回首愧支離

前題

梁士奇邑庠生

山有遊仙處遺名聞至今孤峰留勝跡煙艸幾披尋

落日荒城外天寒幽岫陰摩挲蒼蘚石虛負紫霞心
峻玉含輝
王綸
碧峰千仞勢崔巍萬壑瓊瑤自蘊輝何事山靈常愛
護等閒不泄就中機

前題

國進

玉在山含輝瑤光映遠野懷珍泣向人和氏何爲者
峻玉古城陰迢遙一徑深看雲虛白日藉艸到青岑
完美遺誰識瑤芝尚可尋有懷空寂寞臨眺獨長吟

前題

梁士奇

小山如覆簣數里到來平暇日尋芳艸有時逢玉英
何人探趙璧令我陋秦城不使南荆地千年獨擅名
錦水秋滌

國進

寒泉清復清曲轉抱山城虛碧疑凝玉臨流好濯纓
前題

何海晏

錦水碧潺湲泠泠下石川波平寒引玉堤轉晝浮煙
皎月侵潭迴孤城入鏡懸茶爐烹活水清興滿尊前
前題

梁士奇

一水如縈練潺湲帶郭斜石灘秋蘸月山漲曉侵霞
橋外人祓禊城邊女浣紗平堤與煙柳清映幾人家

前題

趙國賓

錦水遶城闔泠泠清映心迴流幾曲轉煙柳兩邊深
淺瀨紋如織寒灘響似琴能令城市客長得浣塵襟

水山疊翠

王綸

巉岩碧樹聳飛環翠色凝眸未可攀啼鳥野花無限
趣幾迴人在畫圖間

前題

亞元 賈琦 邑人

羣山拱峙水迴環峭出巖巖樞可攀上至層峰壁立
處涓涓一派瀉雲間

前題

國進

蒼翠水浮山山深人跡少山僧不記年獨伴青山老

前題

何海晏

名山河所有松栢鬱青青石竇侵寒玉雲崖列翠屏
殘碑留淨土古塔入空冥不盡登臨意歸途見月星

前題

重疊煙巒秀嵐光欲染衣為憐叢桂好更覺小山稀

梵宇圍青萬人家住翠微時看禪塔畔縹緲縹緲雲
杏壇遺響 王 繪

當年尼父此經過轍跡傳來尚未磨讀罷幾禪多感
慨古臺荒艸夕陽多

前題

國 進

荒山餘古道聖轍此經過遺跡幾千載流光耿未磨

前題

何海晏

聖遠遺踪在山深野徑荒丹青肅古廟對越最名香

六籍隆今古百王重典常因懷傳道日彷彿見官墻

前題

梁士奇

紫蓋鬱蒼蒼孤峰標聖堂四時誰俎豆萬仞見宮墻

勝跡千年在流風百世長高山多仰止賸比愛甘棠

石門晚照

國 進

石門敞巨巷車馬日紛紛為愛暮山好停驂到日曛

前題

何海晏

木落萬山秋石門晚更幽殘霞拂遠樹斜日下荒丘

驅馬穿雲入停尊待月遊平生耽野興到此倍淹留

前題

梁士奇

石門饒勝槩數里盡山行半嶺通人過虛巖應鳥聲
莫窮轍跡妄自得永嘉名青壁有蘿薜返景照分明

前題

趙國賓 邑人

向晚驅羸馬連山度石門虛巖時掩映半壁未黃昏
洞口殘陽滿山隈暮景繁歸鞭清興足村樹指平原

吳溪沉月

王綸

漁火黃昏泊釣頭月明初上照寒流烹魚載酒人何
處搔首令人憶舊遊

步前韻

賈琦

月色涓涓午夜頭瞻光何自浴清流似因桂殿多岑
寂間到水晶宮裏遊

前題

國進

短棹泛吳溪皓月來滄海欲掬一輪清移尊聽款乃

前題

何海晏

晚來秋色好明月落前川影射寒瞻窟光浮綵鷁船
平沙晴映雪曲浦淡迷煙尊酒誰同醉長歌向遠天

前題

梁士奇

一夜吳溪月寒光灑灑滿犀然牛渚瀾珠弄漢江邊

烏鵲飛難定魚龍喜自歸山陰有逸棹竟夕起長
天并飛泉
王 翰
瀑布經年滾雪花遙觀天際接烟霞行人莫問
事江漢東流日夜賒

前題

國 進

石澗有名泉泉聲日夜喧滔滔不復往誰解問真源

前題

何海晏

寒泉噴野澗歷歷見飛瓊探穴疑無地聞風訝有聲
爲霖川谷潤到海浪濤平歲月無端逝臨流慨此生

前題

梁士奇

碧甃無人作銀牀水自濺爲看雲液漲疑與海濤連
溪瀉千斛玉山凝兩岬烟蛟龍深處臥不數桔槔懸
咏竹花
訓導 湯 沐

解籜新篁原耐霜仙花忽吐冠羣芳葉繁蘭砌陰方
午節映萱堦日正長棲鳳枝梢非嫩弱化龍形狀早
堅剛淇園自後無消息從此復賡綠漪章

前題

湯 沐

庭栽嫩竹吐仙花况是山城第一家地若無心生艷

蕊天將有意產靈葩孤標聳秀清風遠翠幹迎祥紫
誥加指日枝端集彩鳳好賡清節染丹霞

登水山寶峰寺

提學副使沈鍾

峰尖孤塔勢嶙峋培巒紛然莫與鄰十里橫空開野
望一錐直上插蒼旻憑誰剏造何多巧助我登臨或
有神歲月并題詩句尾山僧煩爲勒堅珉

平陰卽事

巡按御史畢懋康

霜臺老柏葉沈陰坐對燈花喜不禁
充地山川青未了歷城雲水碧尤深
盈窓素月幽人夢棲樹寒鴉羈

旅心明日春郊動春鼓新年農事又將臨

步前韻

叅政張邦教
山西人

碧山紅樹晝常陰駐馬西風意不禁
禱練誰家秋院迥挑燈客子夜堂深
支離半世恒多過真率平生只此心
栢冷烏啼眠未得小窓月色又重臨

春日同王馬春元劉文學遊水山寺
李蔭

陶山遊已罷復向水山行文雅推摩詰
風騷得馬卿鶯啼催柳色鶴夢破松聲
孃孃天衣動嘈嘈梵樂鳴香泉流皎潔
寶塔立崢嶸傲吏非凡吏禪情卽野情

劉郎攜尊酒石上話三生

水山漫興

御史張寅太倉人

山聳峰巒秀路盤松檜稠水光層翠落塔影半空浮
醒酒風前佇題詩石上適何時重到此暮紫更淹留

徐南龍令君見餉賦謝

文定公于慎行

傾蓋相逢意頗深高軒銀燭夜沉沉斗邊久識豐城
劍堂上時聽單父琴百里謳吟欣化俗千秋風雅
知音瀕行復枉瑤華贈回首山城思不禁

山門有序

兗州府推官宗文儒清宛

自東阿抵平陰中途山巔有洞徑乃二邑往來

必由之路其險隘天造地設雖青之雲門奇勝

未能是過土人呼為山門予鄙之因更其名曰

天門且以慶生斯地者出入是門若登天然土

人固由之而不知者也漫成一律以識歲月紀

一時命名之義云時萬曆元年癸酉仲春朔

高地名山幾見聞柯亭盡處入天門空濛扃洞朝飛

雨縹緲虛崖夜鎖雲信是二天設通玉關豈由人力鑿

崑崙題名欲作天門賦行色匆匆媿不文

登會仙山

孔璟

一眺重巔百仞高無窮詩興入秋毫煙含曲水翻羅帶雨壓羣山湧翠濤

前題

教諭張麟浙江人

乘閒特地東山百里花封指顧間翡翠屏中人步過丹青嶂裏鳥飛還不堪秋氣薄詩骨頓覺夕陽浮醉顏刻石雖憑二三子石災應笑我追攀

步西野先生韻

柯海晏

孤城東望接東山仄徑荒崖咫尺間人物幾隨浮世變雲霞長傍古岩還雨餘芳艸堪乘興洞有丹砂可駐顏覽勝不妨長此醉肯拋暇日廢躋攀

暮秋徐明府南龍復枉

駕見過水山別業

新城張承寵邑人

閒居日無事高臥西山秋旣解栗里帶還效竹林遊南龍豫章材海內飽風流能騎山簡馬數枉習池頭憶昔君來憇兩兩鳴春鳩及茲攬時芳花開黃金浮佳期杳如昨物候一何邁感遇悲今古惜陰競勸酬柏枝拂酒翠嵐光入座幽遠心憐勝地欲去復淹留主人忽大醉長嘯問賢侯寧况君何若吾將老一丘

出平陰道中望東阿

沈鍾

西出平陰五十程東阿山下擁孤城石門壁立緣天
造驛騎風飛趁晚晴節令愁逢冬十月衣冠喜接魯
諸生微官畢竟真何物忝與斯文頗不輕

過石門有感

前人

峰尖雙壁石門開車馬東西互往來管取五丁神斧
劈信教千頃野雲堆縱當炎夏全無暑邇隔人寰不
受埃五十年來纔一見再三瞻盼重驚猜

暮秋遊水山寺

東平州同知
署平陰縣事袁思忠

久慕層巒古剎名浮屠絕頂壯山崢藉花香自岩壑
遞柏樹根宜石縫生盤磴橫斜誠險峻方渠清淺未
虧盈飛來一騎傳消息遊興從教不盡情

步前韻

平陰令王自謹

層巒古剎久知名翠遶雲封山嶺崢野花遞香撲佛
面柏林叢密澗石生蹊徑磽确真險度源頭活水自
常盈但得身閒無俗慮遊人到處有餘情

與友人登水山

大叅趙雲翔 邑人

寺古曇花老山深鐘磬幽柏根蟠石窟塔影落峰頭

把酒論前事揮毫紀勝遊夕陽如有意肯不爲君留

中秋孫叅藩招登瞻闕樓漫邑徐州牧江西人

西風爽氣入深秋河漢微雲暮盡收已愛青山俱遶

郭還因明月共登樓光連粉堞天疑近影落金尊露

半浮最是良宵仍選勝冷然真在廣寒遊

和韻 山西左孫琬邑人

高出層城望正秋一天明月坐中收登臨爭似滕王

閣嘯咏非同庾亮樓樹色淡迷千堞暗山光遙映四

欄浮絃歌此日逢仙令更喜清宵陪勝遊

和韻 安慶趙國賓邑人

落木蕭森四野秋錦城風物共君收步虛賴有長房

杖襟勝全登拱岱樓短髮凌空吹帽落流霞印月滿

杯浮洒然身世滄州上今夜誰知是勝遊

和韻 劉敬業

銀蟬皎潔正中秋景色城頭取次收東岱雲生連蜃

閣北辰斗轉插龍樓琴鳴單父清風遠劔化豐城寶

氣浮忻憤憑虛天萬里星槎何用慕仙遊

和韻 王嘉命

四境蕭蕭萬籟秋
望天風景坐來收
校書未上石渠閣
作賦全憑王粲樓
水映天光清影湛
風颺桂子暗香浮
何須更問三山勝
此地真成物外遊

送徐南龍令君南旋

于慎行

君行良不住河上
理蘭檣客夢齊
山隔鄉心楚塞長
春歸見芳艸人去思
甘棠日望雙鳧影
翻飛近尚方

題孫湛明侍御征西卷

前人

朔方昨歲起邊聲
繡斧親征六郡兵
漠北烟塵歸指顧
征西車馬借威名
寒笳夜靜混邪塞
漢月春暉敕勒營
猶有遼陽兵火在
還將前箸贊昇平

題湛明孫侍御百尺樓

前人

仙家何地接蓬萊
畫閣平臨百雉開
遶檻溪山春隱映
宿窓星斗夜昭回
雲臺舊抗匡時疏
天祿還翹著賦才
莫謂長安看較遠
紫微深處是三台

送徐南龍令君北上

前人

盧子城頭問去蹤
不堪別恨結遙峰
春風幾發河陽樹
客路重趨薊北鐘
豈有明珠藏薏苡
惟餘長劔吐芙蓉
浮雲西北休愁思
霄漢還應雨露濃

送平陰楊令遷晉府審理二十二韻 前人

藉甚神明宰循良踵二京關西綿世胄梁苑茂家聲
玉季雄霜府蘭昆比月卿談經推上第縹組試專城
濺澤同春育孤操共水清萊蕪塵旣濶單父玉琴鳴
紀政馴田雉憂時憤海鯨懸金親教射握槊自譚兵
月稟揮將盡雲徒練已成不甘馳羽檄直欲請長纓
廟畫方蒐雋藩僚亦採英會聞公府辟先假士師名
彭澤歸陶令長沙名賈生兒童啼擁路父老泣沾絃
花樹存遺愛棠陰鬱別情幽居門久杜過訪益頻傾

聽雨山坳醉衝寒渡口迎談玄詞要妙舉白氣

自覺交情洽誰堪遠思盈寒冰結去水飛雪繞前旌

鼓吹聲何急驪駒賦載膺壯心應未已斗畔倚青萍

楊善談兵適被撫臺檄留
欲赴東征故篇中及之

題張荷寓新築園亭亭在鳳山北錦水之澣

官生

何自軋 邑人

卜築鄰蕭刹由來識地靈山光杯共泛溪響座同聽
四壁琴書古八窓風露零問奇人載酒疑是子雲亭
岱西山人歌壽何吏部敬菴 于慎行

君不見岱宗之山海上起雲霞沃宕三千里七十二
峰峰插天西支半落清河木山川回合勢連綿靈氣
應鍾不世賢大名誰者齊北斗岱西山人行地仙山
人舊隱雙龍關左省含香陪上列共道詩名水部傳
更聞啓事山公絕一時流品入陶甄簡要清通世所
珍三十朱輪行寶陌衣香風動洛陽塵素心忽憶棲
巖谷解組歸來雙鬢綠玉樹多從院宇生蘭房近傍
煙雲築山人脩脩六十餘頽頽綽約玉不如載酒時
遊廣里月垂竿閒釣錦川魚石閭有伴餐瑤脯玉几
金牀春色曉人間已自有蓬瀛何人更說蓬瀛好爲
翁抗節歌欲長瓊卮起壽春茫茫泰山若礪海水竭
六年不凋齊日月

春日同王春元遊幽棲寺

陽穀令

李

內鄉人 蔭

連朝城郭染紛華覺路追尋豈厭賒擬向夜深還對
月獨憐春早未逢花倘來軒冕原無意到處溪山浪
作家更喜吹笙借子晉不妨歷覽入煙霞

勝槩八詠

張承寵

不出郊坰訪碧岑相傳仙聚到於今誰知跨鶴凌虛

于更幻靈蹤透石深

鄒魯當年聚友生
緇帷林下一經橫
祇今風教如鳧
嶧入夜猶聞絃誦聲

溪色蒼蒼沙篆平
更堪向曉月華生
小星依約漁燈
隱彷彿人於鏡裏行

石門誰爲鑿
巘好在斜陽夕
照殘怪得行人延佇
晚虹霞百丈上征鞍

可愛蒹葭露未晞
淪漪秋舞縠紋微
圍城一帶碧清
淺多少漁竿上釣磯

天井無勞鑿
隧穿飛流神漢自濺濺
還應憑仗乘槎
客爲問靈源到上天

質美有餘詎受凋
芒稜八出果竒標
峰頭雲氣常吞
吐誰識山花盡玉苗

不信水山水是山
暗泉到處聽潺湲
最憐嵌碧峰千
朶老檜株株上翠鬟

前題

文學 趙方曦 邑人

仙人一去不重來
留得遺踪與世猜
漢武秦皇知此
意何須海外覓蓬萊

紫蓋山中雲樹蒼
傳來孔子教書堂
列侯霸業烟銷盡
惟有尼丘聖澤長

古渡清河水漫流
溶溶月色玉光浮
棹將一艇蘆邊去
不減黃州赤壁遊

峰頭誰遣五丁開
天闕斜陽返照來
若使拾遺今尚在
林丘指點倍興懷

淺碧粼粼郭外灘
秋深風細縠紋攢
游鱗來往紛如織
忙殺兒童理釣竿

石甃寒泉瀉碧溪
橫流曲曲遶柴扉
更教移掛高峰頂
誰詫天台瀑布希

空山寂寂踏蒼涼
細雨琅玕出路傍
須信儒爲席上寶
千秋靈秘發中藏

山如壘卵柏如蹲
翠巘丹崖萬古存
應是水山渾是水
不然何自長靈根

晚宿平陰室有囊琴法帖沉香端硯縣令閩產
宜其辦此有作

巡按御史魏光緒 臯狼

清供此中難
風牕足幾般
馬蹄臨摹本
鴈眼舊坑端
沉水隨商舶
歸雲稱夜彈
主人閩地產
娛我甃開顏

和韻

邑令蔡可陞

輝毫一壁上秋落五雲端風化思琴治霜飛覺座寒
豺狐聞處避驄馬到來安爲計蠲租策還憐幾郡殘
其二

戰國驚初定巡行掩淚看懷因萬姓愴聲寄一琴彈
漏動翻書靜燈清對夜闌誰知辛苦意攬轡不遑安

酬魏直指示詩

舉人孫振圖 邑人

攬轡登車合有人澄清驄馬到來新全消窟穴雷方
震獨照逃亡月一輪口角吟成鬪白雪指端

石洪晚雨投宿農莊

蔡可陞

走石飛沙水漲溪投林暮雀惑東西天昏有電千村
照溝渡無橋亂馬嘶破屋雷聲聒客坐懸鴈燈影酒
家迷莫嫌藍縷巾紗濕曾說林宗折角氈

劉允默惠牡丹賦答

前人

房櫺驚喜到華穠何處紅粧鬪冶容霞映不妨瓊液
醉風狂須護錦幃重欄凭短子翻唐曲夢惱襄王亂
楚峰潮湧花朝無定跡殷勤能得幾相逢

丙寅署申元旦二首

前人

共傳宵霽宜豐稔笑祀屠蘇慶百巡
耆父擲骰祈壽考兒童着綵戲
青春誰家盤菜無留客何處鶯花不
趁人簫鼓滿城吹暖律怎銷霜鬢
答年新

山城新朔雪晴天尚得陽和到
地偏芳艸還來生怨思東風空度
枉周旋焚香封印終朝吏臥榻關
衙半日仙令節堦墀無別祝聖明
春轉太平年

人日宴會仙觀迎春

前人

殿下堦萸綠漸長笙簫青帝出
東方冠裳不礙遊人綺爭催獻
柏觴彩燕罷頒歌白苧紫駟驪控
關

粧琵琶休訴春心恨鬢上尋芳
畎蹠忙

北地新春皆戴絲蹠

踏勘災傷有題且鎮村壁

前人

土虜民有骨電打地無毛妖氣何
能歇災傷可重遭帝閣難直叩
王事敢辭勞何物干天譴衣冠莫
濫叨

其二

我黎思避地雞犬欲依人造化將
傾覆蒼生合苦辛陳詩慚國俗占
易策經綸掣肘從來事相看淚滿
巾

春日遊水山

孫振圖

乘春常作采真遊，羣頂松聲森似秋。
寶閣峻嶒雲外迴，嵐光迴合鏡中浮。
風前玉樹應推謝，觀裏桃花不問劉。
攜酒看山雙屐健，交情况復古人儔。

仲春園居感懷

時有土寇之警

前人

雲閣踪方遠，濂溪趣每親。
園荒陶氏徑，扇障庾公塵。
擾擾烽烟候，依依桃李晨。
山林亦險地，何處卜芳鄰。

登龍橋壽峰山

前人

詩峰騁遐矚，靈傑憶冰清。
這岫疑雲列，澄波似帶瀾。
車纜欲駕烽火漫，相驚借問同遊者。
何人願請纒。

公大來趙公之壻

泛舟清河爲泰雲伯兄招飲 前人

簫鼓喧闐起，畫舸芳樽共醉水。
雲邊泉聲近，向灘頭響山色。
遙從樹杪妍，品擬太丘真。
嶽嶽文同司馬自翩翩，春遊不負池塘艸擊節。
何人濟大川。

河決歎

趙貫台

山城平地作江鄉，世幻年來真叵量。
樹杪風吹舟葉葉，岡頭雪湧鷺行行。
漫勞部史築堤堰，枉向侯疆問稻梁。
清淺蓬萊誰眼見，只今桑土變瀛荒。

冬日登會仙山用石上韻

明經 張宗旭 邑人

峒峩宮觀隱仙山海上蓬萊一陟間藥白無聲禽自
語雲車不至鹿長還凌風策杖渾忘老拂岫啣杯亦
駐顏何用別求方外秘空憑遺跡悵迫攀

前題用山間韻

拔貢 張中适 邑人

共惜仙曾會此山安知今去此山間幾株碧樹留春
住一片白雲待鶴還靈枕難醒顛倒夢流霞不醉利
名顏嚮孤自遇雙童引塵外遐踪莫厭攀

秋日登水山絕頂

張宗旭

到南屏為聽泉振衣時上最高巔看下界低
闕遙望平湖細海船僧唄不聞鳥言靜客遊瞥見
行連貧瘵嗟眸長噴去輒至燃燈歸梵筵 時河決今堤東南首

通賦

去任族里別張也類

邑令 唐虞讓

自憐所處向誰傾梅閣登堂午夜清柏葉滿浮三雅
共燈花笑對二難弁莫言拙宦疎時務且喜春風不
世情南望楚天湖水潤報稱何日拜先生

登廟山觀黃河水勢

趙貫台

憑虛極目冷霜葭浩淼瀾光映日斜浦口秋聲吹
子山腰春浪滾桃花海門直下波千里梓社平湮戶
萬家何日立圭稱底定還看鴈影落汀沙

河決

張宗旭

恁是災黎災未消故教河水勢方驕正愁百畝逋荒
賦又見千邨逐落潮樵竹靈胥惟望塞轉漕部使更
言挑聖人何日憂昏墊成允於時再頌堯

和趙紫垣韻前題

前人

一戍恁港盡窮鄉深谷長川不許量濤屋翻村漂個
個浪花滾樹漫行行鼃鼃驕蹇多巢窟鴻雁飛鳴失
稻梁河伯有靈稱善徙小民無計避奇荒

雨後携友遊水山

前人

剛道水山奇未探乍來一雨洗郊南澗邊初漲添飛
瀑岩際新晴褪宿嵐石潤翠屏詩易就廳清檀閣酒
難酣不堪薄暮促歸騎擬與鶴棲倒影菴

碧峰仙跡

前人

碧峰仙跡尚依然留賞東郊閱歲年名美屐從蹋艸
藉地靈臺作泛花偏游童話往憐青薜達士探奇想

素烟姑射山頭應不羨幽踪只在錦城邊

天井飛泉

前人

天井飛泉水勢殊乘秋怒激歎模糊夜聽潮信來江
海曉汲人虛轉轆轤狼藉風吹珠蕊散磷响寒並玉
峰孤南中匡布三千丈得似如今倒瀑無

錦水秋澗

前人

錦水秋澗漾遠津灣環幾曲抱城闔寒沙閃爍明金
碧疎柳參差亂荇蘋漪動漫流題葉句波光晴艷浣
紗人橋邊小閣臨溪迴長日宜憑數素鱗

峻玉含輝

前人

峻玉含輝輝幾銷熒熒雨霽認山椒形同滄海珠生
角暈起藍田璧長苗採綴自然堪子佩擣食不盡任
仙樵賈胡碧眼無勞盼人士遊探未寂寥

水山疊翠

前人

水山疊翠幾重重聳立巖阿秀一峰嵐護柏根無土
擁潤添石上有苔封相看倚杖沾衣濕獨坐題詩對
酒濃靜裏時尋遠公話石梁攜手可從容

石門晚照

前人

石門晚照破幽森碧影東過透嶺深古洞爭來探禹
跡窮陰忽喜見天心凝冰礪帶經年雪惜墨鴉翻數
點金路近山郵客好事憇鞍暮倚費沉吟

吳溪沉月

前人

吳溪沉月歲方除向晦波心有望舒地自河干瞻漢
渚人於水底覓蟾蜍狂溫燭怪休燃犀醉李臨流定
跨魚更有漁燈明荻岬元宵五夜比何如

舊傳于元
旦夜見月

杏壇遺響

前人

杏壇遺響自悠悠玉振金聲聽不休反魯鐸音傳紫
蓋衰周黍詠起尼丘村留姓氏名稱貴乘禋登臨
亦酬勝地幾辭興廢感經筵萬古遡風流

吳溪沉月

張中适

渡口人稀暮煙生山頭月上溪水清沙光兩岬添汜
濫批影千竿落縱橫靜鷺傍洲窺鏡立遊魚吹浪負
冰行蘆中垂釣在何處忽起滄浪笛一聲

錦水秋濤

前人

錦川舊向錦里城七月八月錦泉生遠覓大河來宛
宛數經亂峽鳴琤琤過橋猶作菊花氣出郭惟聞鴻

雁聲水到有情流自緩曲堤繞盡始西行

天井飛泉

前人

泉出天井淨輝輝驚波怒濤起翠微不堪就下隨流
去故作凌空四散飛驟雨杳來醒鹿夢迴風乍舞濺
人衣可憐牧犢者誰子臨漱鳴鞭向晚歸

杏壇遺響

前人

紫蓋山下姓爲村紫蓋山上樹作軒文物幾隨衰艸
盡林巒還借故壇存屢移年代成今古不改冠裳走
及奔到此方知木鐸貴獲麟歌鳳莫重論

碧峰仙跡

前人

清泉綠樹護仙宮仙侶矜看小華嵩果爾飛吟今海
外依然遺跡尚山中身多毛羽還家重慮雜塵囂着
展空試到斷崖殘柏畔飄飄逸致欲乘風

峻玉含輝

前人

昔聞玄圃多瑤艸今見廬山盡石英過雨還疑殘霞
在披沙自有彩霞生問名品列神仙傳指地星淪太
乙精色並荆南形更異不知若個可連城

水山疊翠

前人

秀絕榆山是此山
巒巒樹樹盡堪攀
柏經暖日香千陣
洞有幽光水一灣
寶氣長浮仙嶂外
閒雲不離翠屏間
高僧不與層茅地
結社蓮花好閉關

石門晚照

前人

嗟峨面起晚陰道
天半忽看斜照浮
人喜發蒙過古洞
馬愁歷險望平疇
溪雲初起帆光亂
山氣夕佳鳥語幽
不是筭程途尚遠
能無臨眺此淹留

登水山寶峰下旃檀閣

趙貫台

白衣大士閣幻構
寶峰前木末蒼霞積
石梁碧艸芊
經營三月計證悟
一燈傳須信巖爲岍
棲身鷲嶺天

題左丘明墓

前人

左氏遺文天下讖
誰知烈骨此中埋
每從妙傳窺精魄
特向殘碑拜艸階
直道不隨周氣盡
高風詎許後人儕
斯民三代何時復
展對荒墳爲愴懷

前題

張宗旭

太史云云歲月深
還瞻祠屋感人心
千年直道披榛莽
四尺孤墳並楷林
公藪奇文空宕往
春秋實錄獨傳今
謾言在預生多癖
一弔英風自可欽

前題

張中适

借史維經意頗深依經作傳有同心一時聚訟來高
赤千載相知見杜林人去微言留自古恥存直道重
於今素臣論定還祠廟下馬園陵拜所欽

函山八景

南洞桃花

張宗旭

窈窕尋南洞溪行石徑斜傍巖無雜樹夾岍盡桃花
香裊風迴細林深蝶去賒幽源杳莫測何處有仙家

前題

趙貫台

從來山態最桃花函窟千株艷始華背日好風吹別
壑當春細雨散明霞客于藉艸拈紅瓣僧自穿林披
絳袈岩曲但無漁子棹那知不接武陵涯

前題

張中适

仙種叅差遶石扉幾枝疑艷帶朝暉人家聞犬知何
處道士乘鸞去不歸開盡幽谿常寂寂拋將流水故
依依蟠根迴與繁華別莫向東風悵晚菲。

萬木清陰

張宗旭

巉巖鮮直本萬本俱離竒幹異枝相亞崖分葉錯羅

苔痕皆淺碧夏氣總寒吹石上談經徧何勞行蓋
前題 趙貫台

奇樹難名紛欲拏蒙茸石阪望來遮羣鳴林鳥春爲
帳一足山魃夜作衙樵販不愁暍病苦展遊翻喜豔
塗嘉禪寮一叩還堪賞葉葉烹來瓦鉢茶

前題

張中适

山林相得兩相宜樹密岩端秀不虧空翠自能留屐
齒蒙茸好爲護苔滋雨餘谷鳥啼聲緩風靜石枰着
子遲一枕北窓終是暫杖藜永日上皇時

西巖夜月

張宗勉

山中月色佳况陟西山巔望迥千林宵光凝萬壑連
明河低岫澹清露上衣圓愛此空潭曲幽人獨往還
前題 趙貫台

東嶺西巖得月俱西巖看月乍圓殊洪濛小闢分泉
石光氣直侵亂鵲身醉客舉杯邀藥杵幽人拾翠遶
屠蘇因思濯魄冰壺語若爲斯傳景不誣

前題

張中适

西巖暮靄淨孤榜漠漠瞻光隔岫深寒氣未團仙掌

露清輝已映女蘿藤飛鳴古嶠時驚鳥跌坐禪房欲
定僧頓豁心胸拈一偈小池印出影渟澄

秋風紅樹

張宗旭

秘殿倚秋風含霜萬木紅淺深設色異遠近着花同
荀鶴楓林葉小山桂樹叢晚看彌不厭高咏夕陽東

前題

趙貫台

入南梧葉漸吹雲林樹樹染臙脂望中花發迷丹
嶂醉裏虹流暈綠巖樓樾寒鴉依照晚停車高士愛
行遲誰云秋老山俱寂猶是春光二月時

前題

張中迺

秋容無限望中探萬木經霜變嶺南翠幕迴非春雨
色烟梢盡帶暮山嵐客緣書積藏精舍鹿認花啣獻
佛龕試比丹楓何所遜幽蹊應不謝江潭

三泉交瀉

張宗旭

三泉自擅名何地不泉聲坂上還交絡峽間只亂鳴
分來藥圃滿流處稻畦平渺渺滄浪興長歌懷濯纓

前題

趙貫台

勝若無泉總不偏何當岩腹竟濺濺亂波感荇牽鷗

雙雜石生苔供鹿吟汲每添錯煎苦茗決常膏土灌
平田逢人漫說匡廬布品次還應俟樂天

前題

張中适

到處靈涵玉乳分尋源不獨有南薰爭流淺峽同歸
壑閒度輕陰總映雲蘭徑春開供竹祖松脂夜煮引
桐君層茅喜結東林下向晚泠泠和磬聞

五峰雪霽

張宗旭

積雪照皚皚五峰霽色來
心光圍冷日石勢墮崩崖
熊徑滑猶濕岩扉寒不開
前溪無短棹僵臥對東

前題

趙貫台

一洗同雲破陣時五峰霽色漾琉璃
崩崖照現嵐初
之樹飛花塔轉迷疊疊
光開遠碧
岬岬星點送
八却疑佛土梅檀境
龍女
珠列玉墀

前題

張中适

高臥雪偏好閣外行吟霽更嘉
半嶺冷吹雲氣
薄上方影射日輪斜給孤買地金初布
五老登峰髻
七華坐對靜參如來意九年消息悟非賒

瞻眺天門

張宗旭

望望東南勝迹並擁碧岑天門開遠眺日觀盪幽襟
不辨相如禪如闍梁父吟巖巖千氣象吾道重于今
前題

前題

前題

岳頂曾攀意所親南山東眺儼如鄰
客百里看君似故人雙闕有
芙蓉蓬玄不比蓬山遠欲陟層霄問化踪

前題

張中适

岳頂曾攀意所親南山東眺儼如鄰
客百里看君似故人雙闕有
秦此身恍置嵯峨際入眼青葱愜素因

清河帆影

張宗旭

高岫掛河流波光百里收長鴻雲外沒遠嶼鏡中浮
寂寂沉歌櫂星星認過舟翛然罨畫意衣帶起滄洲

前題

趙貫台

直北峰頭暢遠眸清河十里鏡光浮
去時見帆隨日影流泛泛不迷堤畔柳星星共識水
邊樓何能更起滄洲與臨曉仍兼狎白鷗

前題

張中适

波光何處俯灣灣西北溪流若帶環百丈纜牽烟樹
裏千帆影落夕陽間遊同麋鹿心無着地遠鳧鷖意
自關誰謂滄浪清興渺笛吹一夜滿秋山

巳卯歲旱嘆泉涸樹槁擬與黃壯菴明府芒種
看山苦無佳况忽先一日大雨如注遂分韻
速之
張宗旭

心期觸暑倦看山好雨忽從一約間種秫未孤彭澤
催詩那許少陵閒應知洞口流堪漱自是峰頭
明日衝泥須早上滿拚村釀爲開顏

答和張也顛文學韻

知縣黃用學

老大癡頑學看山天人巧合一時間東郊忽滿農人
望南陌肯教樂事閒洞口鳥喧山欲語峰頭日霽黛
如鬟凌晨便待籃輿去擾亂春風覺厚顏

城南雨後看山東張也顛
前人

城南蕭寺客烹茶酒聖詩魔興味嘉日射壇中開法
鏡雨飄松外落天花澹交自是心如水良夜偏宜杯
泛霞白雪歌殘林木振郢中高調屬君家

留別山中

前人

個中意味有誰知我與先生恨見遲松徑琴樽憐把
臂夜燈風雨繫相思離羣自覺神魂失對酒偏驚道
路岐遠別平城情切切玉河西畔柳參差。

壬申歲洞成

張宗旭

礪戶高扁石鑰懸乍開滿谷漲雲烟參差乳穗全無
土晃朗瓊房小有天閱世不知更晉魏煬和誰復辨
寒暄碧桃花樹何年種每上層峰懷大仙

南洞桃花

廣文 李士雅

洞口逢春早桃開萬樹齊隨風香散聚逐月影高祇
乍覺紅雲亂深愁錦障迷此中殊可在何用訪漁溪

萬木清陰

前人

地僻人踪少山深雜樹多應知樵不到祇有鳥相過
葉暗晴疑雨烟濃翠染螺苔痕猶畏淺夾路植松蘿
三泉交瀉

前人

一帶澄泓色淙淙萬玉鳴晴窓微借潤夜壑巧添聲
赴下情如暱衝崖勢欲爭何當攜芥片活火就煎烹
清河靴影

前人

不盡長河色憑高一望通舟行積翠裏人語澹烟中

所轉千聲梅波恬幾處篷江南風味在隱隱夜燈紅
西巖夜月
前人

候月須高阜清輝似欲添纔臨藁木杪已照萬峰尖
但覺晴霄迴爭知夜漏嚴人天清勝會此地可相兼

秋風紅樹

前人

謾說春光好秋深景自嘉卽看霜後葉詎羨雨中花
欲老容偏艷將飄態轉加涼風吹片片幾樹繞輕霞
瞻眺天門
前人

獄路從誰闢蒼茫望有門羣山推是祖列嶂總如孫
今古曾何變乾坤只此尊每因瞻仰後謾謾肅心魂
五峰雪霽
前人

曉日散餘寒晴峯入画看依依雲歛岫瑟瑟水流灘
漸放羣峰翠全呈遠寺丹冬暄逢不易亟跨訪梅鞍
遊南洞和韻
程邦彥

乍入嶙峋古徑懸龍葱嘉樹鎖蒼烟花收嵐氣浮
殿霞帶泉光繞洞天閣上羣靈嬾化育眼前四序認
寒暄誰驚村犬雲中吠料想深岩有地仙

壬午春杪孫象明社長潛源玉招同張赤城訪

錦源于喬口村

趙貫舍

吳源輪湧艷青鳥幾載山靈未可呼
茲日春飈吹隴麥何當清泚漾菰蒲

為探名勝踏蓬蒿纔罷登樓便藉
茼岫色青如螺子黛溪光綠於鴨頭毛

艸木曾經蹂戰馬風雲常為護柴扉
嘉辰會得賢人聚噓吸穹蒼定不違

兀龍湖海氣熊熊競訪飛湍走
三石公瀾醉逢人開口

武子我豈長虹

遊函山不果東張也顛

姚桂人

朝來爽氣好看山幽興無如屐齒間
歲月浪拋綠事障風塵未得遂身閒
花明南洞成紅錦雲護西岩結翠鬟
却寄山靈休寄笑臥遊夢裏亦開顏

題程簡嬾墓

吏科都給事中孫光祀 邑人

程母清風不可攀荒原颯颯瘞貞顏
三尺冰心堅漢柏一生霜影照秦山
秦山漢柏拂蒼昊清風萬古吹秋艸
內則長留天地間皎然懿行同杲杲
剪髮和丸自於邑森森藤下看成立
鄒母祠前夢再回敬姜杼

似絲重緝令予白髮過古稀猶厯孺慕憶音徽風木
驚心不可道更從何處舞斑衣孫曾蔚起光門祚爲
聽邢州歌五袴由來壺德衍餘芳會看濟濟翔鴛鷺
邑里相傳羨女師孤節昭垂動有司彤史揚芬金石
永山靈隱見護豐碑

題程溱右隱君墓

前八

宗俯藹初下見百城低盤紆巨滄海生材靡端倪
乘時爲舟霖韋布豈蟠泥自昔伏子賤一經臥葦圭
衰年餘九十典誥開羣迷又聞徂徠生志學躬劬烈

聲名動天子忠孝甘排擠吾邑有賢躅方茲志量齊
程公奮田間今居古與稽高風邁流俗曠度飛雲霓
雖亦淪諸生多士共攀躋絃誦徹晦明桃李下成蹊
執經課後學殷殷勤耳提子姪及諸孫摛詞若虹霓
樸厚挽時趨坦懷絕町畦有時憫天人中夜起聞雞
至性敦嫺卹千錢掛杖藜家貧樂施予觸目矧遺黎
身隱道彌尊懿行炳縹緹憶余昔從游少年尚佩觿
今看鄭公墓書帶艸萋萋

喬口觀水 四首

張中道

幽尋不覺遙舉目望塲圃知是故人居側聞故人語
轉巷見勤動農忙新霽雨回首忽大笑嘉客在何許
楫罷埽石磴艸艸成賓主顧我寡僕御道我遠勞苦
摘糠供我食刻虱解我暑為說溪流勝五十來未覩
言下勇往觀相勸誓延佇臨眺有時節如今日方午

其二

人事近何如久未到城邑稍稍陳兩端駭非耳所及
離郭纔幾里歎已脫塵縶間示性命學自謂進前習
謂我應飛騰胡為滯原隰但笑而不答陰雲忽四集
下長阪岸勢仍壁立菊花香今看富

行念九月天酒熟還賞給出壑恠風雨谿水北流
其三

混混赴大壑就下精神王亂石羅礪中相激恣
雷聲地底殷雪花崖頭放噴瀑似喘呼領略不一
初作怒濤觀塵慮胥凋喪突成按劍思壯志更憫
豪者勃以興孱夫魂為愴對此足移情何必駕海
莊周寓濠梁夫子在川上九原未可作誰知我心

其四

主人促余歸家中雞黍具留翫此蕭條昔年酒不
幾時倘再來聊爲構村酌山水觀未止尚有絕
南洞簾已垂龍口噴成樹芝擘小閣邊三泉瀉
願陪汗漫遊無如天景暮明當侵曉發或可窮
黽勉勤加餐諄切吐情愫欲別不忍別送送夕

藏書目錄

附明朝顏麟 著 官印者

四書大全

四書蒙引

四書存疑

五經大全

十三經註疏

二十一史

資治通鑑

性理大全

五倫全書

陰騰書

大觀本草

黃帝素問

靈樞經

難經

丹溪心法

萬病回春

以上俱逸

古今著述目錄 附

扁鵲內經 見史記

干長天下忠臣論九篇 見史記

李之紹果齋集 見通志

劉增光星曆考 歲差 井田 陣法

乾坤正理解 今逸

何海晏敬菴文集 侯蟲鳴詩集 今逸

趙雲翔葆和堂詩 葆和堂樂府 今存

劉敬業岱松辯 今逸

趙岱禮經集解

今逸

二戴神台

今存

張承寵四聲鼓吹

今逸

五經說約

今存

孫慶麟四書說約

童蒙麗甌

今存

張子冕綱鑑集說

賈廷擘漢典蒼璧

今存

張鯉西臺奏議

今逸

程邦彥四書連章要訣

詩連章要訣

今存

張東山陽宅十書

今逸

盧出光省姬詩集

今逸

張宗旭古歡堂類疏十六卷

今存

趙貫台匆匆齋詩集

古今事物連類

今存

趙彤華甦嬰壽母

今存

災祥

春秋紀災異而不書所以致此之由聖人之慮至深遠矣天道隱而未可執一推也善言天者于其定必云某事得則某休徵應某事失則某咎徵應亡事亡應夫亡事亡應有事不應則賢者之志荒不肖之心肆矣然則洪範以五事配五行非歟曰武王聖人也聖人能謹天之常洪範爲聖人言也天下皆衆人也衆人喜談天之變春秋爲衆人作也吾切悲董仲舒劉向輩防微杜漸之旨甚深而慮不及此也志災祥

第四十

明

天順元年蝗

二年復蝗

弘治四年大旱民饑

五年張秋河決大水沒民

田

七年八年歲大熟

正德二年冬雨雪深三尺

三年歲大熟

七年蝗害稼

嘉靖二年春黑風暴雨木拔地震是歲大旱

三年春民大饑人相食 六年七年大蝗

萬曆三十八

四十三年歲大饑人死大半

四十八年太白經天

天啓六年淫雨大水傷稼

七年黃塵蔽天白日晦冥

崇禎十三年野蝗害稼

十四年大疫民死十之七

十五年歲大饑人相食盜起

十六年冬黑風竟日夜刀鎗俱有火光如燈

是歲井泉俱枯

十七年春日出如血無光

順治七年河決張秋沒民田數百頃

八年至十二年河決沒民田

雜志

誦條目中例不得收者哀之爲雜志雖補履歷亦不聞見亦以示勸懲也事不足感人者不載懼濫雷同附會懼褻荒無渺茫懼疑不紀遠而紀近懼一事失直而羣指爲妄微獨貪殘亂賊之報凜然也卽間出于鬼神幻化而大旨歸之人事之感名讀邑里之書出父兄之口而頑然不信則非人也區區之意以是始之以是終之而已志雜志第四十一

禮儀叢書

春秋襄公二十五年齊崔杼弑其君

光嬖臣賈舉州綽等十人皆死崔氏殺醜篋于
平陰篋平陰大夫公之外嬖也

令柔妄殺 五代晉天福年間兗州捕盜使者張
令柔殺平陰十七村民殆盡

任公刈麥 金大定間邑民任公行田野中忽聞
空中連呼刈麥者三公驚視無所見時麥已將
熟乃急集有衆併力收刈刈甫畢天大雨雹傍
鄰邑皆然公感神貺乃建義漿亭貯水以濟渴
者 出舊志

去文貪癡 胡景文者居水山下嘗入山忽見金
銀黃白滿地心甚喜思欲取之念力不能致趨
歸呼其家人共往則一無所見然竟戀戀不能
去乃遂結屋于山覬復有得踰十餘年不復顧
家家遂凋落人莫不笑之當時爲之語曰胡景
文水山頭上等金銀 云云 或曰水山寺名寶 云云
以其常函寶氣也此亦可見

嶽神顯異 邑東門外迤北有東嶽行祠相傳謂
創自唐時視其廟貌誠亦古矣元末有羣盜自

號紅軍者攻城弗克乃屯聚于廟中有賊以刀
擊柱今柱仍有跡忽聞金革之聲大振來自東
南衆謂官軍且至相率驚走後卒無所見城得
無虞

額神息火 嘉靖癸未春大風飛塵揚砂晝晦邑
民邵春家適有火變衆皆驚惶謂不可救居民
悉壞室廬徙資財扶攜老幼至不能相顧縣令
洪洞于公璞乃走禱於城隍曰惟神禦災捍患
保惠一方今民無辜被火勢不可撲滅若令有
罪願火其身禱畢火爲頓息所燔邵春家止一
室耳衆皆謂于公誠能感神神之靈應之速如
此長興知縣姜昂有記見藝文

劉璋雷擊 劉璋莫詳籍貫嘉靖初以避荒趁食
攜母與妻來孔子村爲人傭工一日鋤田遇暴
雨衆皆奔還時同行者四十餘人有黑雲覆地
隨之忽震雷一聲璋獨擊死所執鋤柄皆寸斷
視其背有蝌蚪書了不可辨旣而其母告人云
璋初自河北來有父雙瞽慮不能養因投其父

於河故有此報云

顧來周者東平人流來邑南岱西村爲人傭工亦因鋤田遇雨雲黑雨暴霹靂一震來周擊死鋤柄亦皆震碎視其身有火燒痕胸前有字如蚪蚪不可辨後詢于衆云周家貧常與其父共推獨輪車父力衰不能前周輒以杖毆之故果報如此

漢章鬼逮 靳漢章者邑之北里人也自少勇力過人年四十餘一日忽昏仆于地揮兩拳若有所擊衆皆大駭歷三日始甦自云初見二使若官府所差追捕人者輒以繩繫我自度無罪被繫因以拳擊之適有一白髮老人至謂二使曰汝誤矣所應追者河南靳學章也因招與俱往遂出界渡黃河至一處指示曰此是矣果有靳學章者二使執之以去我乃隨老人復還云平復如故後十八年以疾終

天福自繫 王天福者以屠爲業酗酒恃力靡所不爲因歲暮與同行者計筭貲利乘醉至城隍

前以泥污神像大肆詬詈後二日忽披髮跣足
伏于殿前自云爲城隍所繫衆共扶拽還家惟
言城隍取我不得擅脫遂死
徐氏自殺 邑民丁子勤妻徐氏平日事姑無狀
毆詈凌踐無所不至姑歿旣斂仍踐其柩出穢
言一日忽自擊自拔其髮須臾自抉其目雙睛
迸出遂自述平生不孝事遠近觀者如市人至
其前不問識與不識皆知其姓名一一呼而語
之如是者數日乃死

陳官寺 平之北鄉有陳四者膂力過人有羣賊
在草寺分贓陳持木梃尾擊之連縛二賊詣縣
縣令竒之授以應補賊平報院授百戶後從南
征功陞千戶卒賜諭葬于草寺西鄉人改其寺
爲陳官寺云

三竒碑 東昌府學有三竒碑乃王去非文党懷
英篆王庭筠書

斷亡婢 孔天經嘉靖中爲浙之龍泉簿有富民
亡其婢婢父母以爲其主殺之告縣繩之以刑

誣服孔告宰曰人命以屍傷爲憑不得其屍此必有故宰日久知公能吏卽以屬公公使役踪跡于旁郡獲原婢焉密置于衙乃攝兩造出其婢于簾內父母相持而痛富民叩首泣謝曰非公則民寃死囹圄矣宰歎服

大度恤幼 孔承顏萬曆時人有里人陳某賣地一區于孔後逃荒外出數載絕音其子陳允執言未賣認爲己物孔任其耕種絕不與校或曰此公有也奚爲不爭孔曰吾不欲因一地而我恤幼之意也異日某歸深責其子叩首謝罪曰公之大度世無與比

平陰縣志跋

古者諸侯之國有太史之
官主書其一國之事若董
狐倚相稱良史是也有行
人之職往來聘問而觀列

國之風若季札子產稱博
物君子是也二者事雖不
同而意皆主於勸戒自諸
侯變而郡縣以迄于今國
史之事則官斯土者任之
矣雖然官斯土者能任其
事而不能必文獻之足徵
足徵矣不更歷數人則衆
善不備備矣不經其邑之
耆碩而為達賢者之手則

不尊不信必每進加盛而
史之能事始畢今

方伯陳公曩宰平邑值

國家戎衣甫釋之時創痍未復

而平陰之民一殘于兵再

殘於歲三殘於猛虎之政

公下車怒焉心惻漸用手

摩百堵作而哀鴻集如久

病之後氣息僅屬徐投之

和平溫補之劑垂絕者始

有生全之理也。公曰：政如斯而已乎？每調琴、馴鶴、之暇，登高以望，愜然而念夫平陰者，隸鄒魯之區，而分鳧繹之靈者也。冠蓋蟬聯

文章，鵲起豈無文獻足徵，而邑乘缺焉不脩，非有主君明經張君而勉之，曰：為我志之，蓋幾閱月而書成。

公讀之喜乃郵致

京師屬邑之大司空朱嵩
若先生丹腹之適以報政
上考分猷齷務橐雖就未
付梨棗未幾而嘉猷茂著

于秦晉未幾而時陳臬事
于金陵矣然時時眷念是
書未嘗去諸懷也庚子辛
丑之歲余奉

簡書督學山左車轍所至輒詢

其邑之賢大夫士而思投
分焉冀因以悉其傳人與
其傳書庶幾季札之于子
產叔向之于然明稱良遇
也究為至聖鍾靈涵濡之
地而其邑多及門賢者
所產與其所治典章文物
燦然可觀乃平陰之薦紳
先生多官于

京師雖獲奉教于陳公而已

非其邑之大夫求其邑乘
而觀則曰甫脫橐而未鑿
以不獲見為觀風之一憾
嗣後謁選

都門得與其邑之薦紳先生

同年少司馬忤庭孫公

居數晨夕者且數年所云

邑之耆碩而為達賢者朱

公以後一人爾念是書當

朱公屬續之際幾幾有轍

亡之懼求而得之以克威
厥終為己任斟酌而飽滿
焉癸丑余承乏浙藩之儲
務方四牡戒途乃出其手
抄四冊謂余曰此吾邑之
志今江南憲使普平陰殿
宰陳公之所鑒定而未錄
者也予行買舟維揚過金
陵其為我致之于公乞一
言弁其首而代鐫之余展

卷嬰矍然曰是固向之觀風
平陰而不獲一見者乃今
見之且從遊其邑之薦紳

先生而將更謁夫向之所
謂賢大夫者則是役也詎

非其夙願哉謹諾而致之
公不意故物之復還也驚

喜過望走筆為序而仍以
屬之余居無何公復以奏
最藩翰此邦不敏如余且

有所矜式焉而是書適竣
是孫公之於是書聚千狐
之腋而成千金之裘也陳
公之於是書為合浦之珠
而余之於兩公為延津之
劍也謂非其厚幸耶陳公
得是書則向之以邑宰而
兼國史之事者可無憾矣
余于孫公辱在同譜于陳
公得侍同寅而又得卒業

于是書則向之觀風而不
獲因其邦之賢大夫士以
悉其傳人與其傳書者可
無憾矣余安敢以不文為
辭而不勉附一言于後以
自托于不朽耶夫是故續
貂而不恥也

康熙十年仲夏上
浣之吉

賜進士出身新編書成獻宣布

政使司曾繼勳補務道


森謙補授曾山東總督寧

政按察司曾刑部四川

清吏司郎中貴州司員外

山西主事說慶劉昌臣

拜手撰



周官外史掌四方之志小史掌邦國之志志卽史也
國史海也郡邑志江河也古人祭川先河後海則郡
邑之志之不可缺也然而纂修良不易矣劉知幾曰
史有三長才學識缺一不可鄭樵亦云志者憲章之
所係必老於典故然後能爲余非其人也奚志之能
修然而志不可不修也修之於天開地闢棋置局更
之日尤不可以已也蓋代不能無興廢物不能無成
毀所藉以流傳不朽者獨記載之文耳記載之文泯

則聞見與傳聞俱泯卽當世珥筆何據而綜後人授
策何憑而核乎平舊有志一冊頗嫌簡陋僅如樵燒
具體渾沌完形而已垂八十稔俄罹兵燹焚逸殆盡
使非及時綴輯世且不知平陰爲何土矧其中之事
蹟人物有不與荒烟腐草同歸漫滅者乎顧待其人
而後行無其人則亦虛願之不至而已矣頃值

中興十一載遼左

陳明府來蒞茲土文治覃敷百務具舉一日見靈河
長聘余修滑乘遂慨然任其事比竣役歸卽以見屬
小謝不敏舉戒丘師自代以其耆宿淹雅文獻足徵
也而明府顧采葑及下是洵一時之遇亦殘邑之
幸也誼不容推遂因而卒業務卷凡八列目五十有
一爲序四十有一以冠之較之前編差爲櫜括矣第
緝帙弗備徵事或疎鞏悅未工屬辭多弁且網羅數
十載事以成一書豈無得失誠有蘇長公之畚劉北
與者後之視今將無如今之視昔乎惟是崔浩之揭
市勝涉於謗余不敢爲也陳壽之索斛米涉於私余
不敢爲也楊維禎之咏血書方孝孺之辨割股涉於

苛余亦不敢爲也紀之以實裁之以義無黨無偏不
僭不濫是則余之所矢盟而可上報 侯命者漆園
吏曰火傳於薪不知其盡也無薪何以有火後有作
者此爲之薪耳昇時輜軒之使徧徵圖籍以成一統
之書以勒千秋之盛則 陳明府之功安可誼耶而
余與介丘師殆猶蚩蚩之附驥已爾

順治甲午清明前邑舉人紫垣甫趙貫台謹跋

